



十四

00222

唐文拾遺卷之四十五

榮祿大夫三品頂戴前分巡廣東高廉道加四級臣陸心源輯

徐夤

全唐文八百三十有傳

薦藺相如使秦賦

事節名賢璧

論秦國

書鑑錄

報國憂君無非薦人嘉繆子之匡趙擢相如之使秦
懷寶懷才不是迷邦之士有仁有勇可為銜命之臣
昔者秦以輕諾連城僥求尺璧不從則吾國難保將
與則荆山可惜廉將軍不能陳其畫馬服君不能獻
其策君臣盡日空憂白璧之亡朝野何人可奉皇華

卷四十五

一

之辱繆子曰下位推先相如是賢駢請試於長坂
鸞鷲須觀於遠天欲將伊呂量力皋夔比肩推心而
皎鏡光動鼓舌而黃河浪懸禍乃為福媼仍改妍必
能挫西秦而不強不大亦能繼東越於千年萬年王
乃宣恩渥召英傑劔出匣而齊皇宿松陵空而茂霜
雪既佩君命誓傾臣節智為囊也克藏和氏之珍詞
作鋒焉願刺秦王之血既而西入君門將朝至尊受
璧而但驕其色還城而頰啞其言藺氏乃詭譎反幣
初終抗論大國封疆既君王之失信微臣投璧顧柱
石以寧存然後見秦王雖暴不能肆吞噬之力趙寶

雖來卒能歸邯鄲之國國賞其爵人欽其德獻空籠
者固可抱蓋歌易水者誠宜處默有墨客卿進言以
明且人臣者直以諫主公以取名況先王賤珠玉寶
忠貞是璧也合請投於泉而抵諸谷庶令趙不屈而
秦不爭亦足以致其君於涓朴激其俗於廉平安得
徇不是以爲是枉其行而與行大凡將有國以有家
無玩奇而玩異豈不見匹夫以之而側足王者以之
而喪志余嘗覽趙國史書竊笑相如之事

楚辭元宗御製盧徵君草堂銘賦碧洞真庭言仁皇

元宗以澤浸乾坤維賢是尊仰盧氏兮晦天爵錫草

卷四十五

二

堂兮抱節貞缺十字如何既不臣於天子勒銘那惜

爰特降於王言徵君以挺操凌霜維松隱碧弔夷齊
爲犯上之士怪園綺爲沽名之客莫不洞壑牕楹雲
霞簟席去隨麋鹿難留傳說鹽梅居陋茅茨因錫般
垂匠石豹霧鴻冥名高漢青一千年聖賜梁棟三十
六峰擎戶庭金馬石渠憶神仙之降此蓬扉甕牖假
綸綍口口口曰龍得水兮躍天威雲得風兮出巖洞
雲龍兮有時興英賢兮違我夢草堂兮超垢氛倚桐
兮老鸞鳳泉之深兮珠珍石之韜兮玉貞彼無脛而
猶至此有德以難親草堂兮隔煙水郊陳兮布麒麟

御筆揮雲元文粲錦玉刊乎帝寵天語迹逸乎雞
晏寢況乎沙室當檻緜山倒枕有月而簫吹碧洞野
鶴同吟無人而澗鑿流泉野猿同飲色耀琳琅煙凝
御香浮邱而錄載金籍子晉而歌聞玉皇塗山之幣
帛駢羅誰朝夏禹箕嶺之雲飄寂寞敢讓陶唐是何
暗室卑棲明廷延伫蓋由抱其才而富以德所以鏤
君恩而銘帝語則知道不遠人可以誠而內處

宗 陳後主獻詩賦

醉酒言詩新得騷麗

國碎金陵寰瀛鼎新非翰墨不能贊洪業非詞章無
以通紫宸億兆服歸被戎衣而創業華夷共指比天

卷四十五

三

下以爲臣後主以不惜邦家但荒淫之醜不建道德
何歷數之有只貪翠閣留容金壺勸酒寧知其國換
宗祧不覺其身離璽綬秦嬰有志能繫組於沛公孫
皓無歸喜朝天於晉后旣而目注君門心期渥恩體
國風而發詠念王澤以興言麗句今晨翻祝千年之
聖丹墀昨日猶居萬乘之尊莫不枝詠巢南星隨拱
北吟搜而律呂相應墨探而珠璣盡得二儀形內徵
日月之光天萬物毫端述山河而壯國豈是迹辱才
高心傷思勞周文羨里以窮易屈氏瀟湘而賦騷荒
唐之夢將醒人才不見唱和之非以悟狎客何逃然

後寫入瓊編神彥丹陛鵷行驚懷寶之屈鳳辰嘆緣
情之麗太甲改三年之過恨不同時陳思驚七步之
才嫌當異世且夫心爲志言爲詩志也者可以寫於
今而論於古詩也者可以刺於上而諷於時明不爲
舜禹禪而聖晉魏強而欺豈徒詠風雲草木狗榮辱
興衰家國何之却有登封之議祖宗誰嗣更無恓惋
之詞只聞五字時吟千鍾日醉燕巢堪慄於帷幙鳥
觜先呈於讖記逡巡煬帝殞江都不及陳宮之故事
公主外舉不避讐賦 先言親讐闕中已見

君子之用心也不以親爲親不以讐爲讐惟賢是搜

卷四十五

四

惟德是求舉於上也可以治國匡主疏於爵也可使
公主爲侯不可嫉其賢而失公論庇其善而顯私仇
昔者哀公問儒宣尼對曰斯言眞奧於鬼神厥理俱
懸於日月國家或利於親於怨以相推金玉非珍惟
信惟忠而罔闕且君之所任任者在乎哲人人難自
舉自舉者在乎忠臣臣又徇私則君失任君失任則
賢曷親如此則壞洪業而隳大倫者也凡百事君宜
其去已勿以已怒而要眾怒勿以已喜而招眾喜至
如已喜者非賢固難續鳧脛而長焉已怒者誠善固
難掩驪頰於暗然病一身而利四海已於後而物於

先豈可哀者不歌惡鏗鏘於雅樂行人怨雨怪霧霑
於甫田又若建宮室架梁棟在乎繩墨克正而斧斤
克中是宜採匠石之明言不可憾般倅而不用無偏
無黨祁奚不廢於解狐捨短求長齊主寧猜乎管仲
人若秀發閨闈才惟子孫又安得池有龍兮惟蟠惟
蟄巢有鳳而不飛不馘抱其器以須用雖其親而必
言親既不憚讐何足論蓋將抱君寵酬君恩如是則
慶積高門垂裕後昆亘此道而天地永播斯聲而寰
宇宣况有其行者皆闡無其報者盡見我縱掩而人
詎揜我不薦而人必薦豈擢英賢於下位贊明君於

卷四十五

五

南面外無怨而內無親所舉者皆邦華國彥

避世金馬門賦

樂道君門祿微仙客

名利交奔大隱之人兮心還混元晦其迹而寧歸碧
洞避其時而却入金門亦何必野岸垂釣荒村灌園
目其利而我性非利耳其喧而吾心不喧曼倩以骨
本天仙才唯墨客佩紫禁之珪組別丹叩之窟宅三
冬積學明君之玉棗先知千載爲期阿母之仙桃幾
摘口誦詩書身遊紫微滑稽而黃屋頻諫鴛鴦而青
雲共飛雨露恩深列朝廷之百辟風塵不到隔天子
之雙扉不知我者謂我沽寵榮知我者謂我逃薄祿

吏漆園而無得無喪官柱史兮何榮何辱豈異嚴霜
降處難傷夫翠竹青松烈火焚時不損其良金璞玉
不知巖谷終身揖飛泉而眠白雲昧其道則身山林
而心垢氛曷若干大國而謁明君顯其道則心無瑕
而身榮勳眾炫耀兮我不見眾喧譁而我不聞觀啟
石渠豈異青澳之景宮開白虎寧思元豹之羣且避
世者在乎遠其禍棲蹤者在乎求其道殊不知道也
者不在乎人而在乎我禍也者在乎貪其財而瀆其
貨我今以珠玉而爲瓦礫以希微而通壽考簪裾照
耀誰思箕嶺一瓢闔闔優游堪笑商山四皓一旦武
帝求元靈姝降天指出三清之侶言非下界之賢自
茲玉石分矣公卿諤然五利文成謾說三山之藥金
櫃瑣闥常居六洞之仙豈不以華夏無虞君臣胥樂
負其才而皆取名位背其理而乃居林壑臣今歌紫
宸誦黃閣庶金門之馬有記

東陵侯弔蕭何賦

客存雲壑名繼石網

弔衰戚兮世之常情吊豪貴者人難敢行有秦朝之
俊又憂漢室之公卿莫不指先兆談未萌人生之倚
代難逃如形隨影天道之盈虛有數暮落朝榮當其
秦楚兵銷君臣義閉江南誅布之後代北平陳之際

彭越先斬淮陰以繼周勃之兵機第一縲紲常拘鄭
侯之相業無雙貍貅再衛且侯也道赫巖廊權傾紀
綱才吞伊呂道亞皇王欲怒而虯龍伏匿流恩而瓦
礫輝光人民願我以無先何憂何懼邦家因吾而肇
造爲棟爲梁邵平則近甸隱淪前朝侯伯叔孫去國
而制禮綺季因時而遁匿於是入青門萼紫陌波瀾
濟陸海之岸劔戟列三台之宅朱門赫奕初驚草澤
之人黃閣巍峩乍揖瓜田之客客曰曷寵承恩憑高
恃尊家不善而殃至神害盈而禍翻木必摧秀葵須
衛根賦命而吉凶同域由人而禍福無門當時豐沛
之間差肩並起今日干戈之後屈指誰存鷲感履冰
燕巢懸幕兔殘而獵犬誰惜敵盡而謀臣曷作伍子
不省屍漂於壘浪驚濤范蠡能辭身隔乎重湖遠壑
今則瑰寶酬恩兵戈衛君以架顛危於累卵堪驚富
貴於浮雲侯曰事旣將悟計乎已聞客來悽愴而諭
嗚呼以云良田廣宅擬可用積玉堆金奚不分漏盡
光催魑魅而看將笑聚妖生孽作妻孥而豈得同羣
侯乃狗彼英詞師其上德能全終始於當代果釋猜
嫌於大國良哉避陳主而弔漢侯果見東陵而鑒識

貫以賤爲本賦

陳諸樂賤迹豈下馬

貴不可偶貴故託賤以爲本賤不可久賤故從貴而顯諸因考貴以由賤乃明終而有初則知失其本而事不立得其本而義有餘吾嘗詢道德之至理知貴賤之終始當俟其爲龍爲光必先乎藏垢懷恥微乎論也義同乎高以下爲基驗以誠焉理協于洪由纖而起今請疏當時貴賤書往代君臣漢得鹿兮始諸亭長周興龍兮自彼戎人殛鯀帝王雷澤與厯山舊隱擲盧天子耕衣將農器嘗陳此君上之貴也賤爲本以相因媿用晦而以明比登高而自下太公相國昔垂釣曲逆封侯曾宰社雞鳴末客終爲輔主之人

卷四十五

八

燕領將軍亦是鬻書之者此臣下之貴焉賤爲本以相假人既有矣物以宜然則有寶銜明月珠含媚川價重千金乃蚌胎而產矣光照午夜亦蛇口而生焉彼珠璣之貴也賤爲本以相泐在乎潔於道不在穢乎跡復有稱連城而趙國瑰璜號垂棘而晉宮輝赫崑嶽溫潤之片不亦沉泥荆山碌碌之英乃聞韞石此瓊玉之貴焉賤爲本以相易得不以其賤而爲根爲蒂以其貴而爲華爲英有根有蒂而英華始茂亡根亡蒂而英華曷榮亦曰天道無形宗淡泊而成道政聲無朕扣寂寞而致聲愚今察聖人之理探老氏

之言斯見窮其微而知其要蹟其隱而從其善所以
明富貴之本焉又安得久處於貧賤

辨說爲賢位尊王德

管仲棄酒賦

管仲棄酒賦

酒不可嗜嗜之者必致危顛酒可以誠誠之者其惟
智賢嘉管仲後醒之說當齊侯開宴之年九禮雖珍
盡棄丹墀之一言可聽將陳綺席之前當其邦國
誰憂樽罍不淺將傾海以爲飲孰懸河而進辨列坐
而腰金拖紫寧問安危終朝而舉月飛觴惟求沈湎
仲乃拜捧瑤卮傾言吐斯縱竹葉以非貴任蘭英而
罔奇不嚙涓滴如無禮儀左右相驚咸謂其棄王以

卷四十五

九

罪公侯莫測應云其不死胡爲君子爰詢大夫遂說
臣非怠於恭敬臣非輕於麴蘖蓋將入口以言失或
者言失而身滅再思敢棄於君所三省得中於臣節
臣聞酒禍難防臣何以口義和惑以身喪桀紂耽而
國亡臣今棄其禍而不棄於酒臣願醉於道而不醉
於觴何不規後世鑒前王太康酣而昆仲悲怨大禹
惡而邦家耿光夫如是又何必欣腐脅而候穿腸者
哉公乃擢彼昌言師諸碩德穰苴未可以倫比甯戚
誠宜於緘默眾人迺俛應慙皆醉之容惟我端莊益
勵獨醒之厄則知立誠者莫溺旨酒輔主者須申讜

言酒不溺則樞機自正言苟申則忠信常存大計安
邦致一匡而永逸殊勳佐國君五霸以彌尊則管氏
也可與周召同風夔龍竝位能棄酒以無諂表爲臣
之二昭昭青史見清英克播於千齡萬祀

扣寂寞以求其音賦

清心求元雅韻自合

寂寞何有聲音內并不叩而基扃自啟能求而律呂
方呈馳稗於不幸之鄉寵將造化運思於無形之景
剖出涼清豈不以大道將秘正聲無自走六合以何
有歷千門而易致縱得伶倫之管吟亦徒爲便多子
冷之聽聰將不至我則聞寂寂憂憂向無象以取象

卷四十五

十

無音而索音莫不塞耳目廓胸襟靡在疎而在靜不
由物以由心透恍惚以斯採獨杳冥而獨等擊揚雄
吐鳳之門應憐鳳嘯排老氏猶龍之闈別契龍吟是
音也非桑濮之傳者異齊秦之奏也得之則協人神
暢風雅本冲莫而將有豈喧譁而與假考靈臺而入
聽我調斯鳴循樂府以來追我音則啞就默祈喧稀
其大焉下不在乎地高不在乎天遠不在乎物外近
不在乎目前以諷諭君德經綸化權以約黃鐘而定
律如依赤水而探元亦由字本無文究蟲篆而斯文
遂顯木元無火鑽槐樹而厥火俄然在乎拆彼誠明

分諸兆朕拂希夷而瀏亮潛引剝淺薄而滄洋自振
豈比夫宣尼宅在依稀留金石之聲秦女臺空彷彿
有鸞鳳之韻寂與冥兮虛更幽聲與音兮深且柔未
嘗扣之將扣在勤求之所求豈不以役智而偶凝神
以搜雖蒼蒼之道將授亦軋軋之聲若抽如綠綺之
空闕彈來始應若清泉之阻塞決破方流儒有貴陸
氏之賦成與昭明之道合欲三變之清異陋眾音之
錯雜每慙文藻比芻蕘願侯王之海納謂守黑無難

惡盜知白守黑爲天下式賦明彰晦全福存德教
白爲象兮皎焉明焉黑爲象兮暗然昧然踞其明而

卷四十五

十一

爲事之賊混其味而爲道之筌白以將行恐率土之
惡盈患作黑之爲式庶普天之用晦功全昔聖人以
抱玄默取道德旣濫目以知白復亡形而守黑黑雖
朽而守緇白將變而易色和其光也爲萬有之憲章
同以塵焉作羣生之楷式愚嘗出知白之藩入守黑
之門就其曜而不曜居其昏而不昏白易玷而式易
立黑無文而式可存豈不見卞和獻荆岫之珍先傷
足脛大禹治北方之水後化乾坤至如佩龍光綏景
福殊不知籠之極兮辱之繼福之多兮禍之速天時
尙有其盈虛人事須防其反覆神龍龜聖嘗聞其監

肉剝腸象齒蟻珠但見其焚軀剖腹此白也可知庶
思之而自勗則知弱可吞強柔能制剛土之弱兮能
廣載水之柔兮流且長得不暗室自處明誠自彰所
以耕稼歷山果見重華之帝羈纍羨里終歸西伯之
王斯黑兮可守庶存之而不忘其爲知兮不在乎外
其爲守兮不在乎內協止德之不德諒靡明而靡晦
如此則外滅浮榮中含利貞功其成而不宰致其勝
而不爭縱泥滓之埋光瓊瑤愈潔任煙霞之蔽影日
月終明老氏所以著此垂言流而設教帝王法之而
自英自聖臣子體之而乃忠乃孝余將優游於元化
之鄉每勤行而是效

卷四十五

七

太極生二儀賦

太極何名其形混成畫一氣以中斷區二儀而始生
厚載者所以凝其濁高明者所以厚其清吾嘗究天
地之初洞胚臍之始本無兆以無朕竟何聽以何視
茫乎大醉之鄉寂若無生之理我形影以都秘我音
響而未起混沌將至唯聖乃出隨我聲而發音響逐
我象而設形質於是上泝無邊昭然廓然營空碧而
星辰錯落豁東西而烏兔高懸漢玉奚水河銀易泉
無得而踰六律而宗成大化不言而信四時而飛作

流年此一儀者天也上以昭宣復以一撮之多九垓
攸布聳華嶽以西峙洵滄溟以東注蔓延生植滄洋
制度何舟何楫凌開白浪爲程誰馬誰車碾破青山
作路此一儀者地也厚惟回護嗚呼太極故兮二儀
新二儀新兮四象分我目明兮所見耳餘聽兮所聞
五色成章炳煥而光昭朴素八風從律淒涼而吹散
氤氳彼天得一而清地得一而靈秉造化之鈞軸絡
虛無之紀經莫不潤之以風雨鼓之以雷霆揭大象
以垂象鞠無形而有形然後伏羲聖黃帝靈龜龍負
而乾坤定位文籍生而詐僞開扁但見高極九重下
盤四角日炤朝兮月炤夜融爲川兮結爲嶽旣將入
我死而出我生亦何必剖先天之清濁

員半千說三陣賦

武功藏用國家錄焉

天地人陣者其誰以測惟聖主之嘉問伊賢臣而洞
識莫不陳七德機要敘三才楷式願同尙父干戈永
佐於周朝敢學宣尼俎豆將言於衛國乃曰臣聞天
陣則上考璿樞明孤計虛還星宿而吾君堯舜叱風
雷而敵國並墟斯蓋出黃石之妙訣入武侯之秘書
臣謂其不然也出兵者在乎信及寒暑義如時雨春
發生兮當養士冬肅殺兮當耀武斯則得天道兮合

天時不可失天時而逆天取此天陣以明焉微言可
補又間地陣則察土分疆坤盤艮長隨向背而翼鵝
鶴順山川而羅紀綱所以韓信背水而趙滅孟氏焚
舟而晉藏臣復謂其不然也其用兵者在乎饒金富
粟兵雄食足先耕而九載思蓄後戰而三軍不辱斯
則分地利而得地財豈有兵未征而農不勵此地陣
以明焉微言可錄又聞人陣則勇氣生風精神貫虹
天矯而常山躍地彎環而皎月懸空可與樂毅論將
穰苴比功臣復謂其不然也且爲帥者在乎帥師將
肅連營敦睦忠爲甲兮信爲冑身爲弓兮德爲轂指

卷四十五

古

日烹齊國之牛反掌拾秦原之鹿此則協人意而得
人心豈有人意和而兵不服此人陣以明焉微言可
祝高宗乃知天陣則不必占彼星躔地陣則不必恃
其山川人陣則不必仗其驍勇唯德義而三軍勝焉

限文王葬枯骨賦

此骨枯塵壤義歸哲王

因掘地以及泉見窮塵之委骨陳葬禮以外備實仁
心之內發義之克著幽可貫於鬼神德之孔彰明可
爭於日月初其取象茫茫開蕪鑿荒幽宅幾壞遺骨
遂彰伊彼役者奏於文王王乃掩袂而矚興懷而傷
莫不蔓草縈白陰苔染蒼恐是往古豪傑昔時聖哲

澤物名光忠烈宛是其死誰曰不然骨肉歸土神魂升天深谷爲陵彼可知而茂爾佳城不見爲我主以收焉於是召有司具明享賻以衿襚蓋諸泉壤以遐返邇飛聲走響遂使億兆民庶以來歸入百諸侯之企仰設若不逢君子倏遇小人必應視同塵土棄若灰塵既丘墟而莫問在封樹以無因則烏鳶是啄螻蟻是親幸將不遇小人獲遭君子而乃覩之而骨驚感之以心死爰拾之於彼葬之於此蓋將斯骨以喻我以己不欲而行之於彼可使見之者悲聞之者喜以至誠賓萬國之臣若滄海走百川之水嗟夫存歿

卷四十五

五

殊塗幽陰鑿乎爾魂奚在爾肌以枯何得上惻於膚哲而再向其塗芻則宗周之仁也不獨及於有情而必軫於觸類祝網之帝不足以言其仁泣辜之君焉可以叶其義得不啟之十代延之百祀俾後之制禮垂教將掩骼埋胔者也且王於邦而至大骨於物而至微我不以大而自貴不以微而有違以仁不足爲我罪以物失所爲我非是以勞瘁無數皇寧甚稀骨尙惻於窮泉下土豈惟於獸走禽飛故得九齡者上帝所錫九國者西方允歸以孝治天下也亘萬古以

駕幸華清宮賦

開元履國事促人空

卷五十一

明皇帝號天上來華清宮兮雲際開離紫禁而千官
捧日出清門兮萬騎屯雷巫山之翠珮珠璫皆移雲
雨洞府之霓旌絳節盡去蓬萊當其鯨海澄波驪山
壘翠架瓊宮玉殿之宏絕鑠萬戶千門之秘邃上以
我無爲而國無事記一千年之歷數富有冥瀛起五
十里之煙霞長懸夢寐於是躍馬驂龍煙馭風從從
我者七貴中貴翊我者姚公宋公蒙茸之組繡煙花
香隨輦輅錯落之星辰日月影射虛空及其鰲負瑤
臺擎生玉藥翔鴛振鷺以環列九棘三槐而森峙玉
帛駢積梯航萃止隋侯明珠兮飾車馬霧縠雲羅兮
縈步履飄蘭散麝常薰昭應之香落翠遺珠遍鸞新
豐之市鸞驚麒麟禎祥日臻朱閣拜立元皇帝金車
迎虢國夫人其有夜光枕貴玉藥冠新春五王之燕
語倚六相於陶鈞其或露冷仙掌波出渭津河漢佳
期七夕會牽牛之伴雲天勝賞中秋迎顧兔之倫莫
不龜鼎折年夔龍奉職真人羽客兮薦方術朱草靈
芝兮表生殖詩成而玉甕題新雲滿而溫泉暖極煙
霄可上期驂彩鳳之翔光景難留誰束金烏之翼諫
切雖納恩深半惑祿山已變猶期其十月來王林甫

既好合省其多方蠹國竹語絲喧中元上元葉靖之
靈丹舊得花奴之羯鼓新翻人間有大貝明珠皆歸
戚里世上無清歌妙舞不屬梨園是何樂極悲來時
移代促燕中之鐵馬俄起環土之羅衣莫贖華清宮
觀今閬無人山青兮水綠

再幸華清宮賦

久掩年光世移來葉

明皇以既剪漁陽塵清帝鄉自蜀郡而初還輦輅幸
華清而幾隔星霜巍峩而紫府洪都重開聖日牢落
而金門玉戶幾閉春光是何樂極難期繁華易久時
易而鳳髻成夢歲晚而龍顏皓首嬪嬙零落寧逢舊

卷四十五

七

日之人者艾扶携尙獻新豐之酒但見禁柳愁煙宮
槐暮蟬苔昏而鏡落金殿岸改而湯擁玉蓮螻首蛾
眉遺跡而空存處處落花流水無言而但送年年足
令左右含悲君王墮曉塵泥漸委於花逕歲月潛更
於葭菼金沙洞闊淒涼而午夜流泉玉藥峯高巖屨
而一宮紅葉榮謝相催心腸似摧天在而俄懸二日
星移而幾別三台金戟凌霜劍閣而曾悲幸去銀蟾
皎夜月宮而長憶遊來蟬寄花鈿星流笑臉陽臺之
吉夢初斷岱嶽之香魂已斂解語之珍禽不見琪樹
空高長生之白鹿空還朱扉半掩象薦塵緇屏屏影

移雪衣籠在霜殿松痿雲母波輕遶殿之清漣自改
相思樹老滿山之紅實空垂已而玉笛休吹霓裳罷
製秦原杳杳以西接渭水悠悠而東逝空吟其刻木
牽絲此人間世

卞莊子刺虎賦

獨見爭猛輕當喪之

人雖至靈虎且至猛此靈智以終刺彼猛暴以何騁
固在戮力亦惟三省誰氏之子人爲木莊有力如虎
提戈若霜爾鬪力我則非敵我鬪知爾何以當始其
三徑無人二虎遇肉俱貪而途涎豐草不嘯而風停
遂谷我將愛其文而玩其革必冀扼其喉而剖其腹

卷四十五

六

然而以寡制眾彼雙我獨雖言肉視詎得心服乃卽
客前而言曰貪夫徇利君子俟時且肉之美者虎乃
啖斯啖飽則鬪鬪極則疲威稜雖大應口縮瓜牙之
利何以施將一刺矣必兩中之亦猶秦王克韓魏俱
滅漁父獲鷸蚌相持物之理也君宜念茲不然則虎
非爾所得爾爲虎所資於是拜其言伺其便不躁進
不自衍思曹劌之往見法李陵之獨戰俄而肉旣盡
勢果爭齧牙而龍劍森齒呀齧而雲雷霹聲樹拔石
裂陵摧谷傾風毛羽血以狼籍地轉天旋而震驚於
是氣衰力怠彼竭我盈巖陰而歸鳥皆散野迥而殘

湯半明負者可以檻勝者可以烹卞莊乃肉袒歛起
持矛迅征足奔而飛箭寧速身捷而鴻毛未輕爾口
將極我時以亨遂一麾而並進如拾芥以將行射絕
塞之石頭胡爲等價去南山之白額未足齊名我則
視若井中科如几上斬蛟奪劍者其心未壯探龍取
珠者其事應誑蓋感人進口言神符厥望設若不取
善言而善何以師不待物鬪而物何以喪如此則爭
雄負勢之徒宜覽斯而惻愴矣

新成月象心首辨邪

金天生昔到

百鍊鏡賦

卷四十五

九

終貢命良工而鑄成威凝碧渚流泉蛟龍欲活折下
青天皎月蟾兔如生惟南王以地產真金天生哲匠
開爐呈造化之術爲鏡照星辰之象可以人間第一
法軒轅臺上之規天下無雙掩秦氏宮中之狀匠者
曰金雖精則不鍊不神鍊有數非百之不新又曰火
爲陽晶午爲陰月陽得陰則百工備陽失陰則萬化
闕臣今選五月五日之亨吉爲乃鍛乃礪之始卒而
又就澄澈革昏沈擬犯烏光於天上乃推鷁首於江
心亦以水能鑿物火能化金念器大以晚成其功乃
倍及人生之不滿厥數方深况乎空斷飛鳥人稀碧

齊顧採艾之輪蹄應難竊視縱升天之雞犬莫得遙
臨想其嚼火吞光冰壺慘冷幙金而麟鳳相次桂玉
而狐狸難屏陶鈞卽數同杖頭赤仄之多炤燭無瑕
啟匣裏青鸞之影王曰吾秦之鏡也可以照肝膽可
以懼奸邪吾將驗彼彼將妄耶且閻樂之奸邪曷隱
趙高之肝膽誰遮遽至於素車白馬絕國亡家今斯
鏡也用其鑒形容定妍醜比君德之不昧論臣心之
無苟於是持百鍊而獻九重惟拜手以稽首

唐元宗御註孝經賦

風俗

明皇以孝理生靈躬修紫庭表後主之新鑒注先王

卷四十五

子

之舊經立身行道之文昭如繡縟資父事君之要煥
若丹青開元中以儒道風行皇明日皎刪六籍之奧
祕定百家之多少顧老氏經標元默義理猶淺豈宣
尼典急君親源流未顯於是鏡豁宸衷天開聖聰由
粗及精刪踏駁於千行之內從無人有演絲綸於百
日之中可以來者無猜學徒洞識三千罪盡顯天鑒
十八章皆流御墨九門翕集清傳鄒魯之風萬室雍
熙普詠文明之德浩浩法法詳言糾紛素王行在而
猶隱聖主躬修以其分高深如山嶽江河遐開地理
炫耀比星辰日月上燭天文蓋以首毀強秦遙興大

漢歲月頗謂其綿邈傳寫或多其紊亂朕今屬事比
辭飛文染翰冀使爲臣爲子之道自我而行窮經博
古之人從吾屢讚皎皎明明神功坐成甲乙之良宵
不輟曾顏之密行俱呈揚名後代之人俾傳白社在
上不驕之義自表皇情故得極思九重研精一卷旌
孝悌以爲教剪繁蕪而罔倦然後勒貞石而建高臺
萬祝千齡兮誰激勸

割字刀子賦

物有至大而無所爲物有至小而功且奇當彩筆臨
文之際見銛鋒入目之時改雕蟲篆刻之非重修麗

卷四十五

五

藻正垂露崩雲之誤盡在瑕疵觀其寸鐵雖輕尺書
可理磨礪本自於良匹玩愛式歸於君子封章是假
常挑鸞鳳之蹤淬礪非多不損孟孟之水文近倚馬
多參解牛剗弊能新於鳥跡摧剛幾觸夫銀鈎削染
翰之繁蕪八行宛定笑磨鉛之濫拙一割何求則知
用自各賢成因在冶剔瓊牋而疏玉無異映月字而
連環是假通書窗之琴鳥欲謂割雞制遷史之姓名
何慙斬馬起余之思在青雲憶王祥之贈者

福善則虛賦

神瑞失靈子何彰善

聖人曰天本無私福惟佑善曷云鑒之將昧考前言

而盡鮮窮達而烏焉有命莫究慘舒吉凶而未必由人誰原味顯吾將議彼穹蒼其靈不常安得勇力者或昌進德者或亡忠讜者或罪誥佞者或彰孰云必有餘慶屢聞反受其殃且聞暴莫暴於殷紂虐無加於夏桀聖莫大於孔父智莫過於顏子那今辛御極以爲君癸承祧而化民孔泣麟而嘆鳳顏命天而居貧亦何用仰日月祈鬼神胡不沈暴虐生聖智影響殃咎權衡嘉瑞移辛癸之位於孔顏之才賦孔顏之才於辛癸之位是何徒闔清明虛垂日星謂其覆而匪覆驗其靈而不靈在溫良道德之家不鍾祿位於悖逆荒淫之室不震雷霆焉得盡立明誠不欺暗室非惟祿善以增膠復見禍淫而罔實君或驕而臣或叛自此而生子不孝而父不慈由斯而失嗟夫利害相磨殊非一科雖賢愚之異稟竟天濁以同波然吾終身而積善不知天道以如何

竹篋子賦

茲乃文俗不立韻

東海生將治巾櫛貧無玩飾劈破煙筠刮殘霜色衰鬢攸利秋蓬自直乃有繡轂王孫光餘席門嘲讖斯玩薰蘭厥言曰先生不見南越之絕珍華間發犀角磨水象齒批月皎君素手滑君綠髮朱邱豪商持金

買將星流掌握雪瑩巾箱胡爲鬢枯澁減髮撩相
東箭推勁緜笙罷吹薤園煙肥霜零葉萎銀床夕醉
橫簟析澤比君之玩代君神愧惟大丈夫簏金斛珠
雕瓊鏤璧錦帶羅襦幽屑窮巷論人壯圖東海生曰
余居之窮也風號絕徼山枯鬼嘯黃雞唱午靈鷲末
照槐棟蛇吟寒牀雨深跳跬媚竈舊井無禽又數之
蹇也塞鴻漸陸金隄析軸元蹄若神敏手如束青雀
泐流黃沔覆舟磨磨檻虎鼠嚼郊牛君門咫尺獻書
山隔駑馬臥粟龍媒負軛綺語簧言爲犀爲璠衛退
蓮瑗堯遺八元天斗虛粟均人之祿陰尺神刀剪人
之福余則朽析陳羹呼春不來塊消而土燼盡而灰
焉能搜奇挾望爲玩爲好弓影攻疾菱花照老且聞
篋櫛之功修諸禮容容之在肅禮之在恭容之不肅
奚犀奚玉禮之若恭爲鳳爲龍又聞熒煌易滅葱蒨
易折知白守黑萬壽不絕旱禱滂沱祥雲若何飯待
嘉谷靈芝孔多列國遺史恨四公子削珉爲簪編珠
爲履冠劔魚鱗爭奇鬪珍寶肆開侈龍宮訴貧信陵
能下止屠門者被褐則眞狐裘則假田文三千禽蹄
一焉權移勢改門羅雀懸平原十九毛生最後我有
嘉賓莫孔之醜春申甚寬誰屠李園朱門故人何人

唐文拾遺卷之四十六

榮祿大夫三品頂戴前分巡廣東高廉道加四級臣陸心源輯

薛貽矩

貽矩字式瞻一字熙用河東人仕唐爲兵部侍郎御史大夫入梁拜同平章事卒贈侍中

上大梁新定格律奏

太常卿李燕等重刊定律令三十卷式二十卷格一十卷律并目錄一十三卷律疏三十卷凡五部一十帙共一百三卷勅中書舍人李仁儉詣閣門奉進伏請目爲大梁新定格式律令仍頒下施行

册府六百一十三

卷四十六

蔣鑒玄

鑒玄梁乾化中羅浮山布衣

梁故明州軍事押衙充勾押官銀青光祿大夫

檢校太子賓客兼殿中侍御史王府君墓誌

銘

府君諱彥回字仲顏其先瑯琊人也曾祖諱論祖諱

伯儀父諱瓊皆任性傲世怡怡於雲水間能稟天爵

不拘浮華之態鄉黨之美著於家謀府君少則有明

慧之稱長則有幹濟之術爰自歷職郡署處繁任劇

靡不洞達其理佐佑之績甚顯矣一旦俄遭沈痾奄

歸厚夜噫乎生爲強有歿兮本無雖□□以如斯測
常情則不爾私室且□公權仍重亦足以得誌緬維
窀穸又焉無眷戀府君以乾化四年十二月廿二日
卽世享年五十五以乾化五年閏二月二十九日歸
葬於鄞縣靈巖鄉金泉里禮也府君娶東海徐氏乃
句章之華族和鳴之道柔順愛敬爲親戚之所規仰
育男五人長子充軍事馭使官兼衙前十將廷規琳
瑯其器孝行脗嗣之美尤可嘉矣娶渤海吳氏第二
子充衙前虞候廷範娶廬江何氏第三子廷暉第四
子廷裕第五子廷璋育女二人長女一適胡氏一適
楊氏孫二人翁兒婆子女孫錢婆嗚呼榮落之期關
彼定分平生之事瞬息而已松楸植於此蔽於佳城
永安陵谷之變幽冥之幸也銘曰

名利之競孰能灰心一此一彼以古以今奈何不可
移者修短不可戀者光陰悲乎人事倏然升沈蕭蕭

邱隴猿鳥號吟

石刻

韓建

建字佐時許州人唐末爲潼關防禦使華州刺史昭
宗數幸其鎮封許國公梁太祖卽位拜司徒同平章
事出鎮許州軍亂見殺

諫奪孔緯宅疏

孔緯以直道爲宰相今其身歿未久朝廷撫凌統之孤祭蕭何之墓奈何奪其故居使其妻子奉几筵無所非君臣始終之道也

册府四
百七

永王李存霸

存霸後唐太祖第三子封永王遙授昭義天平河中三軍節度使趙存禮作亂乃遣存霸涇河中莊宗再幸汜水徙北京留守宣麻未訖郭從謙反莊宗中流矢崩存霸自河中奔太原麾下皆散走乃謁符彥超曰願爲山僧彥超欲留之爲軍衆所殺

卷四十六

三

旌韓德兄弟表

屯留縣坊市百姓韓德兄弟累世同居母死割乳以祭廬于墓側累年種瓜合歡同蒂

册府

雍王重美

重美廢帝次子領成德節度兼河南尹判六軍諸衛同平章事封雍王石敬瑭反帝欲北征重美固請勿行帝如河陽重美守京師廢帝自焚重美與后同死

量立僧道科試奏

每年誕節諸道州府奏薦僧尼道士紫衣師號漸多今欲量立條式僧講論科試講經表白三科文章應

制十三科持念一科禪科聲贊科並於本伎能中條
貫道士經法科試義十道講論科試經論文章應制
科試詩表白科試聲喉聲贊科試步虛三啟焚修科
試齋醮儀册府

劉岳

全唐文八百三十九有傳

刪定鄭餘慶書儀奏

先奉勅刪定鄭餘慶書儀者臣與太子賓客馬縞太
常博士段禹田敏路航李居浣太常丞陳觀等同共
詳定其書送紉中書門下奉勅宜差左散騎常侍任

卷四十六

四

贊右散騎常侍楊凝式兵部尚書梁文矩工部尚書
崔居儉太子賓客裴高尚書左丞王權尚書吏部侍
郎姚顛等七人與劉岳再於鄭餘慶書儀丙子細檢
詳除文臣起復及士庶冥婚准勅不行外應篇目一
一立出元舊條件據有合定者逐件別書出令詳定
式樣其不可改易者亦須具言請仍舊施行

五代會要十六

楊途

全唐文八百三十九有傳

禁開發古墓奏

但是古墓荒墳不計有主無主請下諸道州府嚴誠

鄉閭不得開發册府四百七十五

于嶠

全唐文八百三十九有傳

錫賚老病官奏

兩班有老病減絕其俸慮玷聖明請各授致仕官仍

加錫賚以符尚齒之化册府四百七十五

郭崇韜

全唐文八百四十四有傳

征蜀薦才疏

陛下委臣以戎事仗將士之忠孝憑陛下之威靈鼓

卷四十六

五

行而西庶幾集事如蜀川平定陛下擇帥撫臨以臣

料之信厚善謀事君有禮則北京副留守孟知祥有

焉願陛下使之為帥如臣出征之際宰輔闕人則鄴

都副留守張憲有披荆草昧之勞為人謹重而多識

其次則吏部尚書李琪御史中丞崔居儉皆中朝士

族富有文學陛下擇才相之臣亦無敢謬舉餘則臣

所不知册府四百十八

豆盧革

全唐文八百四十四有傳

請加尊號表

陛下登寶祚以來累貢章表蓋緣中外臣寮請上尊號未奉詔允實慊羣情臣等聞帝王受命必有鴻名天人合符須膺大號是彰聖德以耀寶圖今已殲厥渠魁盪平九寓御明堂而垂化禮百神以告功尚執謙冲未加徽稱覲陛下開不違之旨在臣等有難奪之勤伏惟皇帝陛下親舉義師躬除國恥起墜地之宗廟祚升天之神靈再造乾坤中興歷數功逾夏代道邁漢年况乎八表諸侯歸陛下如百川之赴東海中原多士仰陛下如衆星之拱北辰保國安邦功成名遂儻固搗謙之口是違億兆之心且義士忠臣猶

卷四十六

六

賞之以茅土而英風丕業乃滯之於典章臣與萬國公侯普天黎庶禹望聖旨下允衆情册

請出內府財帛勞軍奏

臣竊知內庫所積有餘租庸贍軍不足今內外諸軍室家不能相保儻非卽時安卹臣懼人心離散册

李琪

全唐文八百四十七有傳

請轉運官物授官奏

臣伏思漢文帝時欲人務農及募人入粟得拜爵及贖罪景帝亦如之後漢安帝時水旱不足三公奏請

富人入粟得封關內侯及公卿已下散官本朝乾元中亦曾如此今陛下縱不欲入粟授官願降明勅下諸道合差百姓轉般之物有能出力運官物到軍者五百石已上白身授一初任州縣官有官者依資次遷授次選者便與放選千石已上至萬石者不拘文武顯爲賞酬免令方春農人流散此亦轉倉贍軍之一術也

五代會要二十七

蔡同文

全唐文八百四十八有傳

武成王廟四壁設酒醴奏

卷四十六

七

伏見武成王廟中每上戊釋奠漢留侯張良配坐武安君吳起等爲十哲當排祭之時止于武成王張良十哲面前其范蠡等六十四人圖形於四壁面前並無酒醴自今後乞准本朝舊制例武成王廟四壁諸英賢畫像面前請各一豆一爵祀享

五代會要卷三

李元龜

全唐文八百四十九有傳

徒流放還依律處分奏

准開成格應斷天下徒流人到所流處本管畫時申御史臺候年月滿日申奏方得放還本貫近年凡徒

流人所管雖奏不申御史臺報大理寺所以不知放
還年月望依格律處分

五代會要卷九

張昭遠

昭遠後唐天成二年為左補闕

加估折納奏

切見今秋物價絕賤百姓隨地畝紐配錢物多目多
般皆賤糴供輸極傷農業既未能減放則請加估折
納斛斗稍便於民又國朝已來備凶年之法州府置
常平倉飢歲以振貧民請于天下最豐熟處折納斛
斗以倉貯之依常平法出納則國家常有粟而民不

卷四十六

八

匱也冊府五百二

張延朗

全唐文八百四十九有傳

州縣徵科賞罰奏

州縣官徵科賞罰例縣令錄事參軍正官一年依限
徵科了絕加階二年依限與試銜三年摠及限與服
色如攝令錄一年內了絕仍攝二年三年內摠及限
與真命主簿一年二年如縣令條三年摠了別任使
本判官一年加階二年改試銜三年轉官本曹官省
限內了絕與試銜轉官諸節級三年內摠了絕者與

賞錢三十于其責罰依天成四年五月五日勅册府

三十一
張鵬軍器使與小計戰論日餘册府

張鵬

鵬清泰中御史中丞計戰論日餘

常朝就敷政門外賜食奏

文武常參官入闕日廊下設食每宣放仗拜後就食相承以為謝食拜臣以每日常朝宣不坐後拜退豈謝食之謂乎如臣所見自今宣放仗拜後且就以候將設食別降使於敷政門外宣賜酒食群臣謝恩後

食册府

卷四十六

九

范延光

全唐文八百四十九有傳

請賜指揮俸料奏

諸道指揮使月俸未有定制請大藩鎮都指揮使月賜料錢三十貫糧十石春衣十五匹冬衣二十匹其餘藩府約此為等第册府五

添支侍衛親軍指揮料錢奏

侍衛親軍都指揮與小指揮每月錢料春冬衣物一例支給無等差昨并省軍都自捧聖嚴衛□□羽林已下□廂都指揮使新定名管禁兵五千人欲為等

第每月添支料錢各三十于糧十五石衙官糧十分

全

李郁

郁天成二年為宗正丞

請復園陵舊制奏

兩京畿甸園陵之制其地十里曰封山爰自偽室己

來收在公田之籍今方紹襲宜正規儀

聶延祚

延祚天成中少府監

釐革牌印奏

卷四十六

十

牌印舊體不與朱記相參伏自近年亦歸當監鑄造

既須篆字何異印文伏乞下中書釐革

册府六
百二十

郭從義

從義其先沙陁部人後唐賜姓李長興三年為永興

郡部署晉天福初復姓宋史有傳

誅趙思綰奏

新除華州留後趙思綰三月三日授華州留後准詔

赴任三移行期仍要鎧甲以給牙兵及與之又不得

路至九日夕有部曲曹彥進告思綰欲于十一日夜

同惡五百人奔南山入蜀是日詰旦再促上路云俟

夜進塗臣等與王俊入城分兵守四門其趙思綰部
下軍各已執帶遂至牙署令召思綰至則執之與一
行徒黨並處置訖

冊府四百
三十五

延策後唐安州節度副使

上三事奏

一請不禁過口猪羊而禁絲綿匹帛以實中國一請
於山禁要害置軍鎮以絕寇盜一述藩侯之弊請勅
從事明諫諍之不從令諸軍校列班廷諍

冊府四
百四十

孔知邵

卷四十六

十一

知邵唐長興中爲太常丞

除替諸道副使等官奏

諸道行軍司馬副使兩使判官已下及防禦團練軍
事判官並請依考限欲滿一月前本處聞奏朝廷選
替補授

冊府六百
三十三

李延範

延範長興中大理卿遷殿中監

條具切要逐件奏

當寺令有要切事節謹具逐件如後一件寺司每奉
勅旨斷案准格須委法直司據罪人所犯檢定法條

本斷官將所犯罪名并所檢法律及法書本卷對驗不差然後逐件於法狀上署名下法定斷伏見寺司案內每將法直官所檢條件法狀備錄在詳斷案伏准格文法直官祇合錄出科條勘押入案至於引條判斷合在曹官仍不許於斷狀內載法直官姓名者自今已後其法狀臣欲落下留充寺司案底不錄在奏狀中冀免元勅法狀三重在案其本斷官仍於斷狀後具言臣所斷前件文案皆是將法直司所驗條法一一周細詳認悉是罪人所犯科條或言將某色律條比附詳斷逐件參檢並無漏落法律及無欠少

卷四十六

十一

案內事節 一件格文內大和四年十二月三日刑部員外張諷奏大理寺官結斷刑獄准舊例自卿至司直訴事皆許各申所見陳論伏以所見者是消息律文附會經義以讞正其法非爲率胸臆之見逞章句之說以定罪名近者法司斷獄例皆緝綴詞句漏略律文且一罪抵法結斷之詞或生或死遂使刑名不定人徇其私臣請今後各令尋究律文具載實事以定刑辟如能引據經義辨析情理並任所見詳斷若非禮律所載不得妄爲判章出外所犯之罪 一件詳刑定罪實在法律一科須是犯人本條或取比

附詳斷自今後大理寺詳斷文案祇得以本犯一條
法律斷罪不得更將稍似格律於本條前後安排如
是罪人合以官品減等官告贖罪之類條件卽許於
法狀內次第區分

五代會要十六

逃戶歸業二年內放免兩稅奏

請指揮諸道州府每逃戶歸業後委州司各與公憑
二年內放免兩稅差科如有違許州論詳勘責若州
縣官招得五百戶已上等第獎勵

五代會要四十五

實專

專同光朝左諫議大夫

卷四十六

三

請罷租庸使歸三司奏

臣伏見天下諸色錢穀比屬戶部度支金部倉部各
有郎中員外支計分劈自後以租賦殷繁添置司之
額自唐天寶中安史作亂民戶流亡征賦不時經費
多闕惟江淮嶺表郡縣完全總三司貨財發一使征
賦在處勘覆目曰租庸纔收京城尋廢職務廣明中
黃巢充斥僖宗省方依前以江淮征賦又置租庸使
催征及至車輅還京旋亦停廢僞梁不知故事將四
鎮節制征輸置宮使名目管係旣廢宮後改置租庸
雜以括斂相兼加之出放生利况戶口什一之稅是

太平之日規繩租庸總三司合勘因喪亂之時制置在京無此名目乃是出使權宜若要委一官之能何妨總三司合判伏請勅郡縣重集戶口計定租稅令鹽鐵却歸三司收其征賦務使仍舊會計到京且便上供何須直進既戶口不失則增賦倍多致海內有久遠之安示天下爲一家之治

五代會要二十四

申著瑀

請恩文書狀

著瑀天成中少府少監

未明事理不得行責奏

伏乞指揮諸道州府此後或顯犯憲章者候文案畢

卷四十六

十四

任依格法斷懲如未明事理不得行責情杖

五代會要卷十

楊知方

知方後唐興唐府冠氏縣尉

自陳請驗文書狀

光化三年明經及第其後選授官兩任莊宗郊天年於將作監內行事禮畢擬授太子通事舍人旋值錯豎父母年幾駸落其年丁父憂至天成二年又丁母憂去年九月方服闋今春欲赴郊天行事又緣貧困無財可辦今乞引驗已前文書量賜陶鑄者

冊府六

全郝瓊八百五十一有傳

瓊右街使兼判尚書考功

去年五月詔中外官員自宰臣節度使以下並逐年

書考課計官員千餘當司人吏四人二人赴官又公

用不足乞依三銓例當司歸司官逐月支賜紙筆糧

錢册府六百三十六

任贊

全唐文八百五十有傳

天勿啟倖門奏合當極法者並令推鞠斷遣無容

卷四十六 五

郊天前有犯重罪合當極法者並令推鞠斷遣無容

開啟倖門册府四百七十五

崔居儉

全唐文八百五十有傳

大祠中祠車駕不出奏

伏見車駕其日或出於禮不便今後請每遇大祠中

祠車駕不出五代會要卷四

王權

全唐文八百五十一有傳

諸道詳勘職方地圖奏

伏見諸道州府每遇閏年准例送尚書省職方地圖者頃因多事之後諸道州府舊本雖存其間郡邑或遷館遞曾改添增鎮戍剏造城池竊恐尙以舊規錄爲正本未專詳勘必有差殊伏請頒下諸州其所送職方地圖各令按目下郡縣鎮戍城池水陸道路或經新舊移易者並須載之於圖其有山嶺溪湖步騎舟楫各得便於登涉者亦須備載

五代會要十五

李象

全唐文八百五十一有傳

卷四十六

六

散官犯罪不得當贖奏

請今後凡是散官不計高低若犯罪不得當贖亦不得上請詳定院覆奏應內外文武官有品官者自依品官法無品官者有散試官者應內外帶職廷臣賓從有功將校等並請同九品官例其京都軍巡使及諸道州府衙前職員內外離任鎮將等並請准律不得上請當贖其巡司馬步司判官雖有曾歷品官者亦請流外職准律杖罪已下依決罰例徒罪已上仍舊當贖法

五代會要卷十

盧質

全唐文八百五十一有傳

畢資僕射上事儀注務簡奏

臣忝除官合赴省上若准舊例左右僕射上事儀注所費極多欲從權務簡祇取尚書丞郎上事例止集南省屬僚及兩省官送上亦不敢輒援往例有廢官中自量力排比兼不敢自臣隳廢舊規他時任行舊

制五代會要十四

狀王鎔墓誌銘

上居無何賊起黃巢兵經涉險九州版蕩唯茲全

趙□□安邦一百五十年間中外有□及其叔世

卷四十六

七

字缺五於□□邦得同其□雖為常數良山發源始於□

□至於□代乃有太原瑯琊分彼二流之□也□忠方

於邦家□捍蔽於等州觀察處置等使金紫光祿大夫

檢校太傅同中書門封二百戶贈太師諡曰忠在

字缺五爵為盛□□銀青光祿大夫檢校尚書左一吋□

累贈司空司徒太尉太傅在缺四封人臣之缺鍾□

□□終□□□曰忠穆缺四年□授鎮州兵馬留後來年

起復真拜繼世焉以太原郡開國子食邑五百戶在疾

畢喪非公事相缺信睦交修中和五年加開府

檢校太保封常山郡王文德元年又昇太傅封□

百戶口順元年就加檢校太師未幾授澤潞邢

年口口書令進封北平王增邑共六千戶實封

賜敦口口定久大功臣來年又册拜太師增爵一萬

無何事背防萌眾迷逐末納羈新於

亂構兇徒毒流一氏屠害全族殘

父李全義皇任檢校工部尙書

侍中次曰昭

推官李懷口口去經大

伐口口而終賊男處瑾處

九年平

旄有歸

定縣新市鄉廉頗里壽陽崗耐于

銘詞府整手之蛇反噬之虎梟獍與妖恩義

族盡亡

衅血口口申寃告

李慎儀

全唐文八百五十二有傳

請委銓曹檢點選格奏

諸道州縣皆是攝官誅剝生靈漸不存濟此蓋郭崇

卷四十六

六

缺四

約缺

缺四

七字

缺四

下

古誌

缺

石華

韜在中書日未詳本朝故事妄被閑人獻疑點檢選
曹曲生異議行矯枉過直之道成欲益口損之文其
選人凡關一事闕違並是有涉踰濫或告勅欠少或
文字參差保內一人不來五保皆須並廢文書一紙
有誤數任皆不勘詳且自天下亂離將五十載無人
不遇兵革無處不遭焚燒性命脫免者尙或甚稀文
書保全者固應極少其年選人及行事官一千二百
餘員得官者纔及數十皆以踰濫爲名盡被焚毀棄
逐遂令選人或斃踣於旅店或號哭於行途万口一
詞同爲怨酷臣等懇商口議堅確不迴以至二年已
來選人不敢赴集銓曹無人可注中書無人可除去
年闕近二千授官不及六十乃致諸道皆是攝官朝
廷之恩澤不行搢紳之祿秩皆廢衙寃負屈不敢申
陳列局分曹莫非僥倖且攝官只自州府多因賄賂
而行朝廷不知姓名所司不考課績皆無拘束得資
貪殘及有罪名又不申奏互相掩蔽無迹追尋遂使
人戶流移州縣貧困日甚一日爲弊轉多若不直具
奏聞別爲條制不惟難息時病兼且益亂國章臣等
商量伏請特降勅文宣布遠邇明言往年制置不自
於宸衷比日焦勞將殞於睿澤兼以選曹公事情僞

極多中書條流亦恐未盡望以中書所條件及松等
按與刑部員外郎王松同上 所論事節并與新定選格有輕重未

盡處並委銓曹子細點檢酌量但可以去其踰濫革
彼弊訛不失本朝舊規能成選曹永例者務在酌中

以爲定制別具起請條

册府六百三十二

劉昫

全唐文八百五十三有傳

乞免行香奏

中書以近勅祠祭行事官致齋內唯祀事得行其餘
悉斷又宰臣行事致齋內不押班不赴內殿起居不

卷四十六

二十

知印臣緣判三司公事其祀事國忌行香伏乞特免

五代會要十三

宗廟制度議

臣等今月十三日再于尙書省集百官詳議夫王者
祖武宗文郊天祀地故有追崇之典以申配享之儀
竊詳太常禮院議狀唯立七廟卽並通其理其他所
論並皆勿取七廟者按禮記王制曰天子七廟三昭
三穆與太祖之廟七鄭元注云此周制也詳其禮經
卽是周家七廟之定數四廟者謂高曾祖禰四世也
按周本紀及禮經大傳皆是也武王卽位追王太王王

季以后稷爲堯稷官故追尊爲天子此則卽周武王初有天下追尊四廟之明文也故自漢魏以降迄於周隋創業之君追尊不過四世約周制也此禮行之已久事在不疑今參詳都省前議狀請立四廟外別引始祖取裁未爲定議續准勅據御史中丞張昭奏請創立四廟之外無別封始祖之文況國家禮樂刑名皆依唐典宗廟之制須酌舊章請依唐朝追尊懿祖宣皇帝獻祖光皇帝太祖景皇帝代祖元皇帝故事追尊四廟爲定

五代會要卷二

盧振

卷四十六

三

全唐文八百五十五有傳

禁止織造疏薄奏

古先哲王之制布帛不中度不鬻於市□□組織之物輕重皆有定規近年已來織帛之家過爲疏薄徒勞杵軸無益公私臣請三京鄴都諸道州府凡織造之家所織綾羅純帛諸物並須斤兩尺度合官定規程不得輒爲疎薄所在官吏覺察禁止不得更然

四百

曹琛

琛長興中起居郎

文武給假許支料錢奏

文武兩班或請假歸窻或臥疾未頓才注班簿便住料錢伏乞特降勅命者今後文武官請准歸窻假給

及病疾者並許支給本官料錢五代會要二十八

樊倫

全唐文八百五十五有傳

請除關稅奏

耕桑未至國多游民闕市之中稅物苛細請稍減省

以惠疲民百姓賣物不多所歷闕市並望除稅册府五百

四

卷四十六

三

盧文紀

全唐文八百五十五有傳

明定文武考校奏

請內外文武臣寮每歲有司明定考校將相乞迴御筆以行黜陟流下中書門下商量宰臣奏請施行册府

六百三十六

文苑英華卷之六

唐文拾遺卷之四十七

榮祿大夫三品頂戴前分巡廣東高廉道加四級臣陸心源輯

張仁瑑

全唐文八百五十六有傳

法寺置議獄堂奏

臣伏見咸通十年二月二十九日大理少卿劉慶初奏請於法寺置議獄堂每寺丞詳斷刑獄畢集大卿二少卿二正六丞四司直八評事十司於議獄堂參詳令依典式其法官中能辨雪寃獄迹狀尤異者二人已上者請書上下考三人四人已上者超資與官

卷四十七

一

今欲望依慶初所奏法寺置議獄堂凡斷公事並集法官詳議然後連署奏聞天下諸州案牘亦望本判官與副使已下都廳會議

五代會要十六

盧損

全唐文八百五十六有傳

陳時政奏

奏

先罪犯譴逐歿於遐荒者請淮南郊赦文並許歸葬仍還舊秩處分鳳翔山南已來長吏有兩川界內人戶任還鄉里願住者卽加安撫前任節度使刺史防禦等使請五日隨例起居

册府四百七十五

五日起居如舊奏

准天成元年七月勅如每月十五日入閣罷五日起

居臣等以中旬排似有勞聖躬請只以月首入閣五

日起居如舊册府四百七十六

馮道

全唐文八百五十七有傳

唐明宗諡議

按諡法發號出令能悅民曰和克定禍亂曰武大行

皇帝道契天和功定神武請改聖智仁德四字爲聖

德和武餘依太常所議

五代會要卷一

卷四十七

二

楊凝式

全唐文八百五十八有傳

西京置留臺省奏

舊制臺省在西京東都置留臺留省及分司官屬請

依舊制於西京置留臺省如本朝東都之制册府四百七十五

五

和凝

全唐文八百五十九有傳

補奏齋郎奏

臣當司管補奏齋郎令重起請如後一應請補齋郎

等舊例當司祇憑都省發到狀便給補牒旋團甲申
奏伏緣當司已前久無正官多是諸司權判或有投
狀多時並不團奏或有纜投文狀卽先團奏遂致積
聚人數不少自同光二年二月後至今年十月已前
共計二百一十人未曾團奏今臣點檢除有礙格條
一官併補兩人三人并使祖蔭者落下外猶有一百
七十餘人人數旣多虛謬不少若取年深者團奏終
成積滯今欲限一月內並須正身將已前所受補牒
到當司磨勘後委是正身及是嫡子年顏人材不謬
者團甲引過中書門下引驗後一齊申奏一合使蔭

卷四十七

三

官請自今後若遇改官須是轉品卽許更補一人明
言是長子次子仍須不得過三人其所補齋郎五品
已上蔭太廟齋郎六品蔭郊社齋郎仍須是嫡子以
姪繼院者卽初補時狀內言某無子令以姪某繼院
爲子使蔭一應補齋郎等祇憑都省發狀便給補牒
請自今後須得正身齋狀到當司比試呈驗除三省
官外並引驗告勅及取保任官狀委是親子卽給補
牒每年旋於八月土旬具狀解送赴南曹仍團奏時
別具子細三代鄉貫使官蔭狀齊赴中書門下引驗
候無差謬卽得團甲申奏仍每年祇限團甲奏一年

一甲三十人以爲常式一按六典所補齋郎並試兩
小經取粗通文義者充奏補之後非久爲官若不達
經書則難通吏理請自今後齋郎所投文字狀並須
親書仍須念得十卷書者卽得補奏一使父皇任官
蔭者並須將前任告勅呈驗仍取在朝三員清資官
充保及移牒所曾任官臺省寺監勘有此官及年月
日同否委無虛謬卽得補奏仍准于牛進馬例不得
過十年其所使祖皇任官蔭者年月深遠難知子細
今後請不許補奏

影宋鈔五代會要

請放榜後貢舉官晚出奏

卷四十七

四

舉人就試日請皇城司差人於院門前聽察舉人挾
帶文書入院請殿將來舉數自一舉至三舉放榜後
及第人看榜訖便綴行於五鳳樓前謝恩後赴國學
謝先師舊例侵晨張榜訖貢舉考試官便出院蓋恐
榜下人誼訴今年請放榜後貢舉官已下至晚出

册府

張祭

祭後晉天福中人仕爲軍事判官朝議郎大理評事

兼監察御史

甲 創建斛律王廟記

我后以一著戎衣天下大定於今五載矣分宵軫慮
待旦乞言斥營欲於嬰兒睨道德於老子四五王而
興國何國不與六五帝以化民何民不化其高也無
蓋其大也無外瑞日停中天之照榮河流澈口之清
光宅寰區永盍函夏郡主太保清河公派成國器獨
占將星心懸八陣之圖舌挂九天之法長城拓塞岱
嶽橫空肅然三令五申凜若秋霜冬雪力能拔象勇
可振犀貔虎宜牙豆拆狼貪之輩蛟龍露爪瓜分鯨
縱之徒爰自武庫開關智囊解括劍批紫電戟削白
虹弓挽六鈞晝日之蟾蜍口滿箭飛四羽晴天之霹

卷四十七

五

震聲高陣前無脫兔之蹤帳外有牽羊之跡情專拜
并威重刺山幹僞口而績用無雙樹真主而功名第
一邇乃策勲宗社旌載簡編遺五袴於人謠轉三天
於郡守今者恩流丹陛惠口絳臺數年之赤壤郊圻
一旦之清風歌頌遠比文公之教但革古今近徵杜
母之名祇分先後合中庸之德齊上善之功土鼓污
樽克致神明之享鍾雲渠雨不愆民望之期廩盈紅
廩之饒陞蔑黃沙之歎而且恪恭梵宇虔奉靈祠得
不獲天人之佑輔者哉當州子城內正衙東北隅有
北齊季世斛律王影堂云葬於此構諸孤墳之上矣

王諱光字明月實北齊之良輔也屈事溫國公不得於當代屬以後主荒殞多士卷藏外則疣贅生靈內則蝨賊僇又戕殘友弟屠膾慈親王以剝第侵膚良腓滯趾騏驎伏棧舡伊千里之蹤鳳凰在篋室展九霄之翼蓋敦忠孝不難存亡繇是三諫聲高一心志切情同杜蕢無間飲主之規言若比干唯見喪身之患君何太昧臣何太忠善不納而其滅宜然諍不從而其逃可也嗟乎良哉何痛如是公曰余聞聰明正直惟神則斯可謂神矣人曰頗有靈貺不可犯也何歲月久換廟貌不與向者民無所依神乏其口遂以

卷四十七

六

錢音剪鑄事隙田畷方閑乃度土工議板築雲七聽命楨幹率從掃墀陳詞三獻能通於天地底徒任力千夫不待於朝昏幾多之塗蕝將升百堵之垣墉已立工訪周人鄙匠材求秦梓齊梧揮斤之響亮乘風層構之噴坵粲日螭蟠護砌可言龍鬪于時螭竦排梁誰謂虹藏不見磨礱鑑物削剗通神鴛鴦之瓦成行垂簷若翫芙蓉之石布坐連柱疑香晚煙凝鞞鞞之花曉日爛元黃之色繡栢畫拱依稀三洞移來鏤窰彫莞髣髴十洲化出旋乃從長近日鳴薦惟馨才聞六變之音俄覩一靈之表瞿然如在卓爾同生隅目

高睚若執彌縫之節瓌姿愠見如申謗之
言星綴冕旒震封寶座壁上之霓旌羽旆
實異今朝廷申之立鬯獻饋頓殊往日
曰惛心主祀隨革故以永沉逆耳臣名
遂鼎新而長在加以上慘倒影下瞰澄
瀾亭亭而鼇載鴻濛屹屹而蜃呵寥廓
鎮臨勝概控引韶光清虛而松島合風
靡麗而錦城鋪暖其或罵歌媚物柳舞
迎春天桃借素杏之紅岸竹接池荷之
綠龍鱗葉密陰穠閭閻之間鳳腦花繁
香滿帷箔之內觀茲壯觀寘彼休禎得
不福善乎得不依民乎善長民和何灾
之有鄙石言于晉地掩神降于莘郊假
使谷變

卷四十七

七

陵移斯靈也明齊日月任歷時遷歲改
斯廟也固等乾坤則知公事主分憂爲
民求福爲而不有何用不臧祭幼愧生
知長慙待闕俯聽流謙之命寔述素賁
之辭詎僭厥功直書其事時天福五年
二月十日記

石

張孝友

孝友吳興人鎮海節度判官

福祈禪院碑

道上虞西北四十里福祈峯下舊傳吳赤烏閒僧純一師化其族李之所居爲伽藍號祈福院訖今鄉人

尊稱一法華開山祖是有晉天福二年丁酉行淳師
主茲山弟子無相自孫出也兄鑑鎰鎰以武職顯院
樞偏仄倚山皆孫氏業相言于兄樂助形勝凡山之
爲畝者三十又六地之爲畝者四東距院田南艘院
陟上極其峭而高者維西下臨其峭而深者則北披
綦肆莽剝大阿羅漢殿猶神輸鬼運咸姪乎成之速
復言于兄請諸朝四年己亥賜額福祈禪院順山名
也嗚呼二師相去寥泲肇基拓業若合符節世之稱
士君子者或羣聚而訾浮屠之說厥子肯堂肯播視
相之舉爲何如純一師其有傳矣行淳師其有後矣

卷四十七

八

繼繼承承爲國祝釐永永無疆而利益之及於檀施
者其又有不可量議者矣猗歟休哉余屬與行淳師
游俾識初末垂示將來不得辭是年臘月望日外友
鎮海節度判官吳興張孝友撰并書

越中金
石記

鄭搏

搏天福四年爲侍御史

彈李鼎奏

伏見李鼎今月十一日衙謝妻陳敘封事察認羣言
似踰常例臣遂檢詳按內其李鼎去年八月中請妻
亡准式假十月中供狀請敘封有此過口致招羣論

竊循職分理合舉明者

册府五百二十二

王易簡

全唐文八百六十一有傳

請銓司一人

吏部流內銓諸司令史各主一司不相統攝苟有踰

濫無所責成起今後望令本銓闕頭一人

司案牘

册府六百三十四

孫紹榮

紹榮晉天福時人

高明寺經幢記

卷四十七

九

清信弟子孫紹榮因小男楊三疾患遂捨淨財奉爲
亡者十五郎口造隋羅尼幢口貳所捨入天台幽溪
禪院永充供養 伏以眞乘肇啟大教潛興化演千

門滋道牙而益茂途歸一里因法本以彌堅其有尊
勝開宗梵音戒偈功唯有證利實多彰今則爰發精
誠敬鑄貞石裝嚴已畢功德將圓意者追薦先靈拔
超冥路伏願速登彼岸長被勝因諸佛證明資善緣
而不泯衆靈加護居妙相以長新時天福二年歲次

丁酉七月辛亥朔十五日乙丑記

兩浙金石志

宋齊邱

全唐文八百七十有傳

讓表

昔高宗之夢傳說西伯之獲非熊况臣非築巖之相

鈞渭之賢祿位彌重宜居山林

江南野史

收穀帛策

江淮之地自唐季以來為戰爭之所今兵革乍息毗
黎始安而必率以見錢折以金銀斯非民耕桑可得
也將興販以求之是教民棄本而逐末耳乞虛升時

價悉收穀帛本色為便

南唐書

江文蔚

卷四十七

十

全唐文八百七十有傳

二丹入貢圖贊

并序

皇帝建西都之歲神功邁于三古皇風格于四裔華
夷咸若駿奔結軌粵六月契丹使梅里捺盧古東丹
使兵器寺少令高徒煥奉書致貢咸集都邑公卿庶
尹拜手稽首稱賀以為文德所服受命之符也若乃
鴻荒以降驟步相侔耀武以信威有所不及任算以
御物有所不從詩頌太原之師則用伐矣漢開朔方
之地則崇力矣若我宣猷大麓儷德無私刑于朝廷
以及于荒服旃裘左袵捧日分光殊方異產充庭納

費書曰垂衣裳而天下治斯之謂矣有司紀美烈于
績事傳曰主上明聖而德不聞有司之過也臣職在
翰墨親覩隆平敢獻贊曰
赫矣聖武纂堯之緒要荒之長駿奔臣附伏波之桂
單于之臺遺鏃徒費獻琛靡來我后穆穆我網恢恢
重譯日貢皇哉唐哉

陸氏南唐書

張洎

唐書

全唐文八百七十二有傳

項斯詩集序

項斯字子遷江東人也會昌四年左僕射王起下進

卷四十七

七

士及第始命潤州丹徒縣尉卒於任所吳中張水部
爲律格詩尤工於匠物字清意遠不涉舊體天下莫
能窺其奧唯朱慶餘一人親授其旨沿流而下則有
任蕃陳標章孝標倪勝司空圖等咸及門焉寶厯開
成之際君聲價籍甚時特爲水部之所知賞故其詩
格頗與水部相類詞清妙而句美麗奇絕蓋得於意
表迨非常情所及故鄭少師薰云項斯逢水部誰道
不關情又楊祭酒敬之云幾度見詩詩摠好及觀標
格過於詩平生不解藏人善到處逢人說項斯自僖
昭已還雅道陵缺君之遺句絕無知者慮年祀漫久

沒而不傳故聊序所云著于卷首席氏唐詩

馮延巳

全唐文八百七十六有傳

楞嚴經序

首楞嚴經者自為菩薩密因始破阿難之迷終證菩提之悟然則阿難古佛也豈有迷哉迷者悟之對也迷苟不立悟亦何取是故因迷以設問憑悟而明解皇上聰明文思探蹟索隱霧縠日朗雲開鏡明以為大賚四方未為盛德普濟一世始曰至仁或啟佛乘

必歸法要馬令書

卷四十七

七

潘佑

全唐文八百七十六有傳

與南漢主書

皇帝宗廟垂慶清明在躬冀日廣徽猷時膺多福徒切依仁之戀難窮報德之情望南風而永懷庶幾撫我指白日以自是夫復何言周必大二老堂雜誌

韓熙載

全唐文八百七十七有傳

烈祖廟議

古者帝王已失之已得之謂之反正非我失之自我

復之謂之中興中興之君廟號稱祖先帝興既隆之業請上廟號曰烈祖

唐餘紀傳

謝賜絹表

水火相濟日月無私既示其瑕疵又憐其憔悴免逋欠使資于昏且賜綿絹令禦其風霜神造雖洪粉身

未報

馬令書

羅周裔

周裔後漢乾祐中官膳部郎中

禁民間用銅奏

錢刀之貨今古通行從古已來鑄造不息長無積聚

卷四十七

三

蓋被銷鎔若不峻設提防何以絕其姦宄臣請勅三京鄴都諸道州府凡器物服玩鞍轡門戶民間百物舊用銅者今後禁斷不得用銅諸郡邑州府屬市已成銅器及腰帶幘頭線及門戶飾許勅出後一月並令納官官中約定銅價支給候諸處納畢請在京置銅錢監俾銅盡為錢以濟軍用除錢外只令鑄鏡鏡亦官鑄量尺寸定價其餘並不得用銅如敢固違請行條法以杜姦宄

册府五百一

曹允昇

允昇乾祐二年為太子詹事

請置常平倉奏

國以民爲本民以食爲天時或水旱爲災虫蝗害稼
既無九年之蓄甯救百姓之飢天災流行古今代有
而前縱逢災歉免至流亡蓋分財恤民素有儲備請
依古法置常平倉請于天下京都州府租賦斛斗上
每斗別納一升別倉貯積若凶災之處出貸貧民豐
年卽納本數庶幾生聚永洽惟懷

册府五
百二

朱知家

知家乾祐中人

鐫觀音像贊

卷四十七

西

此上系銜泐
去一二十字

大夫朱知家發心捨淨財鐫寫觀音自

在菩薩尊像一軀并裝形龕室等因而讚曰大聖觀
音身現塵刹隨聲響應咸見菩薩了茲寶相孰不解
脫善哉淨信本惠清豁命乎郢手倚巖鐫割水月現
前儼然生活巍巍乎非常名焉公善達分而深遠唯
願以此功德上報四恩下霑三有自身及見生眷屬
與法界有情同迴向無上菩提世世常得見佛見菩
薩常生淨土早成妙果永充供養乾祐三年歲在己
酉九月十四日記

石刻

天祐水旱爲災由皇書

寶文靖

文靖乾祐三年爲殿中侍御史

糾朝官便服徒步奏

臺中糾彈過失舊有十六僭事節次不舉明臣訪聞

五代會要

七

劉悅

悅乾祐中太常少卿

止絕稅牛奏

臣伏見買賣耕牛官中元無商稅近日關市場院不

稟勅文悉是收稅歲計其利所入無多在於農民卽

卷四十七

五

疲於市易請重降勅文明行止絕勸人耕稼國之大

計倉廩有積何莫斯由

冊府五十四

侯仁寶

仁寶乾祐中太子中允

廣栽桑棗奏

諸州府長吏勸課農桑隨戶人力勝栽蒔桑棗小戶

歲十本至二十本中戶三十至四十大戶五十至一

百如能廣栽不限本數種訖本縣令佐親省之計數

得替時交與受代者仍於厯子內批書省司以爲考

課

冊府六百三十六

半爲選中計論史

滕紹宗

紹宗周廣順中人

造像題名

當山清信弟子滕紹宗曰右口敬捨淨財于石室
內鑄造彌陀口尊觀音勢至佛伏為自身恐有多劫
冤愆全生故悞伏願口不口之勝因滌累劫之債濫
時廣順元年歲次辛亥四月三日鑄記石

夏承原

承原顯德中人

祇園寺舍利塔題名

卷四十七

六

弟子夏承原并妻林一娘闔家眷屬捨淨財鑄真身
舍利塔兩所恐有多生罪障業障並願消除承茲靈

善願往西方淨土戊午顯德五年十一月三日記紹興

府志

于德辰

德辰字進明元城人唐明宗鎮邢州德辰往謁焉明

宗見而器之得假官於屬邑歷任晉漢周官至工部

尚書

陳九事奏人

一文武兩班有年深不遷官不改服色者或遭喪闋

而不追者今遇聖口幸均渥澤其二每年貢舉人數極多登科者少伏恐淹滯賢能乞量增所放人數其三潭朗茶貨只至襄州客旅並不北來請二司差清強官於襄州自立茶務收稅買茶足以贍國其四湖南見食嶺南鹽請置官綱於湖南立務權賣其五文武兩班差使出入所令部轄幹濟者聊加酬獎其六河朔緣邊狄丁壯能抵拒契丹鬪戰者官中訪聞擢用其七臣伏見官禁牛皮條流太重每請甲科合要皮請量於地畝上配納若民間牛死損亦從許貨賣其皮價不得過錢五百其八昨山陵儀仗一行道路

卷四十七

入戶配米者未納已納並請放免其九西道行營立功將卒早宜賞勞冊府四百七十六

析從阮冊府四百七十六

從阮字可久唐莊宗鎮太原以爲牙將晉出帝時遷本州團練使漢高祖於府州建永安軍以從阮爲節度使周太祖時歷宣義保義靜難三鎮顯德二年罷還京師卒

慶州軍事奏

奉詔示諭慶州諸蕃部尋遣人告報首領其野鷄第七門族首領李萬全及樹夥等族受勅書領袍帶等

設誓其諸族猶負屈疆見與寧州諸軍襲擊次其用
府册

招撫樹夥等族奏

奉詔討逐慶州野鷄族兼招携諸部族臣自前月與
兵後招到樹夥等二十一族與勅書袍帶絲緞設酒
食令發誓詞盟約兼排列兵士圍繞今已和斷兼補
郝爽爲慶州牢城使又發龍捷一指揮赴寧州 册府

高紹基

紹基周太祖時爲延州衙內指揮使

請捕錄李勲奏

卷四十七

大

觀察判官李彬承節度使薨變結構外內謀殺都指
揮使及行軍副使自據城池已伏誅其李彬妻劉氏
子懷義懷義妻高氏並已收捕其高氏是臣親姊乞
留臣在臣家持服李彬弟勲見充河中馬步都指揮使
彬兄景韜一房九口彬姪懷貞一房十一口彬媵妾
一人並已收捕在州其李勲請行捕錄者 册府九百
三十三

趙上交

上交周廣順二年爲戶部侍郎知貢院

請罷帖經對墨義奏

九經舉人元帖經一百二十帖墨義二十道臣今欲

罷帖經於諸經對墨義一百五十道五經元帖八十
帖墨義二十道今欲罷帖經令對墨義一百道明經
元帖書五十帖欲罷帖書令對義五十道明法元帖
律令各十帖義二十道欲罷帖律令對義二十道學
究元念書二十道對義二十道今欲罷念書對義五
十道三禮元對墨義九十道三傳元對義一百一十
道欲三禮於周禮儀禮各添義二十道三傳於公羊
穀梁傳各添義二十道開元禮三史元義三百道欲
各添義五十道進士元試詩賦各一首帖書二十帖
對義五道欲罷帖書別試雜文二首試策竝仍舊童

卷四十七

九

子元念書二十四道欲添念通前五十道念及三十
道者放及第册府六百四十二

向訓

訓周廣順中知延州甄谷翁第二十二道三書外公注
十道誓約蕃部奏

所屬蕃部侵盜漢戶臣已招喚諸部酋率設酒食仍
令誓約更不敢侵犯册府

郭瓊

瓊平州盧龍人世宗時歷絳蔡齊三州刺史

與南唐劉彥貞書

一百五十五卷五十五卷

自古有國皆惡叛人貴邦何爲常事招誘吳中多士
毋乃淺圖

陸書

王景

景周顯德中鳳翔節度使

安撫諸砦奏

今月七日收下黃牛新城大岳等三砦相次又收下
鬼迷黃花下湛滴水皂莢等五砦其鄉村人戶並已
招攜安撫

冊府

劉載

載顯德中爲殿中侍御史

卷四十七

三

內殿彈奏儀奏

自漢朝次每遇內殿起居臺司定左右巡使先入起
居後於殿廷左右立定百官始入起居有失官儀便
宜彈奏者今後欲依入閣彈奏儀折署奏後宣徽使
言所奏知通事舍人喝拜再拜訖便退如兩巡使自
有失儀亦候班退互相彈奏

五代會要十七

朱仲武

仲武周末太子通事舍人

故左武衛中郎將石府君墓誌銘

并序

公諱映字先進其先樂安人後世家於京兆今則京

兆人也晉將軍苞之慶胄衛純臣碯之靈苗祖□考
守珍皆公侯繼業鍾鼎傳門載藉昭彰其來自遠公
策名委質夙著令聞孝以承家忠以奉國故得鄉黨
稱悌焉朋友稱義焉可謂不忝不怍有典有則者也
頃以方事之殷燿火不息而能率先義勇克集茂勳
累遷至左武衛中郎將前朝賞有功也公志懷敦素
性守謙沖不以榮顯忝情但欲優游晦跡而已所冀
神降其福天與之齡何圖兆夢泣瓊藏舟弃壑哀哉
以歲次□□十一月十四日遘疾終于私第春秋六
十有八夫人孫氏夙稟坤儀素傳內則鼓琴瑟而有

卷四十七

三

節主蘋藻而知禮嗚呼薜花早凋瓊枝遽折天不憖
遺先公數稔而巨今以歲次甲子四月庚午葬公于
長安龍首原夫人耐焉禮也嗣子清士冕岳岳湊岫
秀等蓼莪在疚柔棘其形泣血於苴麻竭力於窀穸
恐時遷陵谷事或幽封爰命揮毫敬刊貞石詞曰素
性柔溫神儀洸洸賦參禁衛位列中郎流芳後代
秉義前王冀保永終曷其云亡卜兆吉辰素車薄葬
爰遷嘉偶及此同壙魂散泉扃神遊總帳後背重崗
前臨疊嶂聊紀世載式昭問望

刻

其來自公

按此誌蓋有大漢二字其書葬期曰歲次甲子則

宋太祖乾德二年也不書乾德以曠非宋臣亦仲
武不忘前朝意也與全唐文所收邊魯撰路縣令
邊府君墓誌正同謹遵其例附于周末

張憲

憲南唐監察御史

諫後主書

大展教坊廣開第宅下條制則教人廉隅處宮苑則
多方奇巧道路皆言以戶部侍郎孟拱辰宅與教坊
使袁承進昔高祖欲拜舞工故安叱奴爲散騎侍郎
舉朝皆笑今雖不拜承進爲侍郎而賜以侍郎居宅

卷四十七

三

事亦相類矣

通鑑長編

徐鉉

全唐文八百七十八有傳

大風述祖先生墓誌序

門生彭訥登第補本郡司倉掾嘗與社祭齋于郡之

延慶院獨處一室旣寢而精爽不寤展轉至四鼓乃

得寐夢一白衣書生入戶謂訥曰某嘗述少文詞在

此室司倉當見之也訥辭以未見書生曰試爲讀之

言訖而去及寤口四鼓因呼僕秉燭周視牆壁間意

謂有留題者而都無所見惟戶扇下有石方尺餘塵

士蒙之視彷彿有賀監字乃知此是也祀事罷移置
廳前以水滌之文字依然卽進士許鼎所撰祖先生
墓誌也問主僧云十年前院側數十步官置瓦窰掘
地得之而掌役者軍吏也不曉其所自但見有文因
惜不毀而置此按賀監以天寶二年始得還鄉旣而
天下多事遂與世絕止於吳越故老亦不能知其所
終微彭子之夢則賀監輕舉之迹與祖君高尚之節
皆湮沒矣

紹興府志

許真人井銘

長史含道棲神九天大非邑改丹井存焉射茲谷斛

卷四十七

三

冽彼寒泉分甘玉液流潤芝田我來自西尋真紫陽
若愛召樹如升魯堂敬刊翠琤永識銀牀噫嗟後學
揖此餘光

四皓畫贊
賢望
豐舉
之
與
匪
尋
高
尚
之
論
君子道行必資其位邈哉四賢隱居救世皤皤之貌
丹青假誌爾無素食觀此知愧
昔在陶唐光宅萬國下或知有帝將何力鼓腹擊壤
嬉游無極自然忘適之適中古道薄親仁懷德
末世政亂姦宄寇賊滄風不還可以歎息丹青志古

其遷善之塗革故者豈傷於惟新之義遲速之効強弱之由願聞嘉言以釋斯惑

肉刑之法明王之制著於周禮垂憲無窮何故三苗行之以爲虐秦人奉之以爲暴漢文除之以爲仁乎自魏晉以還議論間出理竟不決法竟不行豈時運之變有殊將聖賢之才或異願聞歸趣以正古風

並本集

林罕

全唐文八百八十九有傳

十在文

卷四十七

七

咸康元年蜀主臨軒龍顏不悅羣臣失色罔知所安時有特進檢校太傅顧在珣越班奏曰臣聞主憂臣辱主辱臣死今聖慮懷憂臣等請罪帝曰北有後唐霸盛南有蠻蠻強梁朕雖旰食宵衣納隍軫慮此不能興師弔伐彼不能臣子來王恐社稷不安爲子孫之患是以憂爾在珣奏曰只如云云帝聞所奏大悅龍顏于是賜顧在珣絹五百疋進加右金吾衛將軍開府儀同三司檢校太尉仍令所司編入史記

案自咸康元年起至編入史記止皆罕之設辭今

據鑒誠錄補

陶穀

全唐文八百六十三有傳

右軍書黃庭經跋

山陰道士劉君以羣鷺獻右軍乞書黃庭經此是也
逸少真書此經與樂毅論太史箴告誓文累表也蘭
亭洛神賦皆行書其他並草書也草十行敵行書一
字行書十行敵真書一字耳

寶章待訪錄

續跋

此乃明州刺史李振景福中罷任過浚郊遺光祿朱
卿朱卿名友文即梁祖之子後封博王王薨子獲於

卷四十七

七

舊即時貞明庚辰秋也晉都梁苑因重背之中書舍
人陶穀記是日降麻以京兆安彥威兼副都統

同上

全唐文八百六十三有傳
右軍書黃庭經跋
山陰道士劉君以羣鷺獻右軍乞書黃庭經此是也
逸少真書此經與樂毅論太史箴告誓文累表也蘭
亭洛神賦皆行書其他並草書也草十行敵行書一
字行書十行敵真書一字耳

唐文拾遺卷之四十八

榮祿大夫三品頂戴前分巡廣東高廉道加四級臣陸心源輯

王宗弼

宗弼本姓魏名宏夫前蜀王建錄為假子更姓名官

至中書令封齊王後族誅

奉魏王牋

昨蜀主與將校同議歸欵其偽樞密使宋光嗣景潤

澄南院宣徽使李周恪北院宣徽使歐陽晃等四人

同出異謀惑亂蜀主臣當時梟首以徇謹令送納

危德輿

卷四十八

德輿楊吳時人

有吳太僕卿檢校尚書左僕射舒州刺史彭城

劉公夫人故尋陽長公主墓誌銘

并序

夫甘露降醴泉生則知顯國祚識明朝使四方服我

聖后度其時甘醴應瑞叶祥乃長公主焉公主則弘

農楊氏大吳太祖之令女國家閨室之長也太祖以

劍斷楚地手揮秦鹿建吳都之宮闕復隋氏之山河

功蓋鴻溝變家為國編史載籍其可盡乎是知玉樹

盤根聳金枝而繁茂銀漢通口瀉天派以靈長將符

碩大之詩必誕肅雍之德太后王氏坤儀毓秀麟趾

彰才既諧典慶之祥乃產英奇之女卽尋陽長公主也公主蓬邱降麗桂影融華稚齒而聰惠出倫笄年而名曰穎衆旣明且哲早聞柳絮之詩以孝兼慈夙著椒花之頌國家詳觀令淑用偶賢良敦求闕閱之門須慕裴王之族我彭城大卿代承勳業世茂英雄先君首匡社稷於吳朝尋擁麾幢於江夏繇是王恭鶴氅迥出品流衛玠神清果苻僉議蓋標奇於枰象遂應兆於牽牛潛膺坦腹之姿妙契東床之選我公主輜駟降于天漢鸞鳳集於閨門在內也則班誠曹箴克修女範配室也則如賓舉按囚怠婦儀奉蘋藻以恭勤佩葳蘭而芬馥常遜言而撫育每恪謹以事親寬慈則僕隸不鞭婢媼則仁明是敬星霜滯換慈愛無渝助君子之宜家實諸侯之令室皆公主之賢達也而況敦睦氏族泛愛宗親不以公闈之貴驕人

不以奢華之榮傲物旣而榮光內外道合鸞凰感吉夢於熊羆肇芳華於桃李育男六育女六長子曰匡祚受鎮南將軍節度討擊使撫州軍事押衙銀青光祿大卿檢校國子祭酒兼侍御史上柱國貌方冠玉才蘊鏗金雅承慶於鯉庭叶好迷於虎帳乃聘于撫州都指揮使司空太原王公之愛女也王氏以綵闈

襲美蘭闔傳馨克奉孝慈肅恭禮敬次曰匡業試秘
書省校書郎光融氣秀瑜潤德清纔親秘閣之風益
顯侯門之美聘雄武統軍潁川侍中之愛女卽陳氏
焉雖通四德之規未展二儀之禮次曰匡遠匡禹匡
舜嚴老並幼而岌嶷志定堅剛蘭牙卽俟於國香驥
子伫追於駿足長女年常有字容謂無雙媯婷融薜
權之英婉戀叶絲蘿之詠適柯氏柯氏受右軍討擊
使詩書立性禮樂臻身鄧艾晝營必引遠大劉琨夜
舞定建殊功次女納鍾氏禮鍾氏器重珪璋材親廊
廟入仕纔趨於宦路登龍必履於朝廷任洪州南昌

卷四十八

三

縣主簿喜氣雖通於銀漢雲車未會於鵲橋次女四
並天資柔惠神授沖和瑞分瑤萼之華慶稟瓊枝之
秀苟非公主義方垂訓秉範整儀峻清問於聖朝著
聲光於王闢則缺以順義六年中春太僕卿自洪井

副車袂滿皇恩降命除郡臨川隼旟方耀於章江熊
軾俄臨於汝水入境已聞於靜理下車頓肅於山川
四郊而襁負還鄉万井而飛蝗出境豈止懸魚著詠
佩犢推名可以與杜邵齊肩共龔黃並轡公主同馭
繡轂內助政經佐褰帷露冕之功贊察俗撫民之化
或發言善諫則惠馥蘭芳或靜慮澄機則珠圓月皎

俾連營將士皆欽如母之謠北屋黎民咸戴二天之
惠豈料霜凋瓊樹月墜幽泉祥雲易散於長空彩鳳
難留於碧落嗚呼鬚髮方盛薜顏未央俄夢蝶於莊
生忽貽災於彭矯爰從寢疾遽致膏肓賸理難明歎
歸冥冥何期天道曾不憖遺以順義七年七月廿六
日薨於臨川郡城公署享年三十八歲箕箒二十二
春悲乎自有古今不無生死奈其修短禍福難裁何
神理之微茫曷榮枯之倏忽我太僕卿以鸞分隻影
劍躍孤鳴痛哽襟靈韻悲琴瑟自是政行千里聲徹
九重別擁旌旄去迎綸綍奉親王之傳印寵亞前朝
承聖上之優恩榮超太古公主權叢福地傍揖魏壇
而大卿亟赴名邦正臨瀟嶽諸子以情鍾陟屺恨切
如荼哀號而泣血崩心踊躡而柴身骨立吁嗟遐邇
駭嘆人倫里巷爲之輟春士民爲之罷社則以乾貞
三年二月二日符護靈柩以其年三月廿四日窆于
都城江都縣興寧鄉東袁墅村建義里庄西北源式
建封樹禮也舉朝祭奠傾國塗芻送終之禮越常厚
葬之儀罕及所謂缺乎我彭城公代著八元家傳五
鼎榮駟貌虎坐擁囊韉據康樂之城池播廉公之禱
袴則何以名光傳粉譽振傳香偶良匹於龍宮見起

家於鵲印不有踏威曷光令猷所謂類以相從合爲
具美者也德輿識學荒蕪躬承厚命直旌厥德焉敢
讓陳乃爲銘曰識慧真空不空之妙
赫赫太祖聖旃符祥厥生令女貴異殊常二儀合運
四德賢良金枝玉葉蕙秀蘭芳降于侯門彭城劉君
奪瑤圃玉遏至山雲宜家慶國襲美垂勳尋陽公主
中外咸聞鸞鳳雙口遽愴分飛人間永別冥路旋歸
陰雲颭颭夜雨霏霏泉扃一閉無復聞闐石
雷嶽

嶽仕南漢事三主厯官御書院給事

卷四十八

五

匡真大師塔銘

詳夫水月定形覺浮生之可幻火蓮發艷知覺性之
宜修故妙果圓明寂爾而不生不滅真如常住湛然
而無去無來祛其華則是色皆空存其實則衆魔咸
折亦由山藏白玉泥塗不能汙其珍沼出青蓮塵垢
不能染其質者也故匡真大師業傳西裔性達南宗
戒珠朗而慧日融光覺海揚而慈霖普潤示非法無
法之說若電翻輝應真空不空之談如鍾逐扣以心
唯清淨道本慈悲常挑智慧之燈洞照昏衢之路將
使化周有截終期證後無爲故我釋迦如來厭綺羅

絲竹之音痛生老病死之苦踰金城而學道依檀持
而修真六載成功萬法俱熟爲四十九年慈父演八
萬四千法門現千百億化身

此句似衍一字

遍娑婆世界說

多多緣起開種種導門誓化迷淪令超正覺于時求
法寶者是諸沙數得道者於意云何小則證須阿洹
斯陀含大則超阿羅漢辟支佛卷舒自在蓮花中藏
十二音聲變現無窮芥子內納三千國土邇後化緣
將卒示滅雙林卽以法服衣傳于迦葉葉傳阿難難
傳商和那修修傳優波鞠多如此展轉相傳俾令常
住世不滅矣洎至曹侯溪大圓滿至眞起覺大師是

卷四十八

六

爲第三十三世祖若祇認達磨禪師傳衣法至于曹
溪則中華推爲第六祖焉故西來智藥三藏駐錫曹
溪云一百七十年後當有無上法寶肉身菩薩于曹
溪興化學道者如林故號曹溪爲寶林自祖師成等
正覺後現一百六十九口生身菩薩遍在諸方行化
邇后得道莫知其數皆曹溪之裔也故匡眞大師嗣
于一葉焉師諱文偃姓張氏晉王問東曹參軍翰十
三代孫也翰知世將泯見機休緣徙于江湖故增及
我祖生于蘇州嘉興郡師幼慕出塵乃棲于嘉興空
王寺志澄律師下爲童凡諸經無煩再閱及長落髮

具足于常州壇後侍澄公講數年頃家四分指歸乃
辭謁睦州道蹤禪師則黃葉之派也一室常閉四壁
唯空或復接人無容伋思師卷舒得志徑往扣門禪
師問誰師曰文偃師關門云頻頻來作什麼師云學
人已事不明禪師曰秦時較轆轤以手托出閉門師
因是發明又經數載禪師以心機秘密關鑰彌堅知
師終爲法海要津定作禪天朗月因語師云吾非汝
師莫住師遂入閩纔登篤骨直奪鵬程因造雪峰會
三禮欲施雪峰乃云何得到詰麼師不移絲髮重印
全機雖等截流還同戴角由是學徒千餘凡聖莫審

卷四十八

七

師昏旭參問寒煥屢遷摠衣惟切於虛心得果冥輸
于實腹因有僧問雪峰云如何是觸目不見道運足
焉知路雪峰云蒼天僧不明問師師曰三斤麻一疋
布僧後問於峰峰云嘻我常疑個布衲師於會裏密
契玄機因是出會遍謁諸山尊宿頗有言句世所聞
知後雪峰遷化學徒乃問峰佛法付誰峰云遇松偃
處住學徒莫識其機偃者蓋師名也至今雪峰遺誠
不立尊宿辛未禮于曹溪旋謁靈樹故知聖大師以
心機相露膠漆契情歲在丁丑知聖大師一日召師
及學徒曰吾若滅後必遇無上人爲吾茶毘至戊寅

高祖天皇大帝巡狩韶石幸于靈樹知聖遷化果契前約敕爲藝之獲舍利塑形于方丈于時詔師入見特恩賜紫次敕師于本州廳開堂師於是踞知聖筵說雪峰法實謂禪河湧佛日輝華道俗數千問答應嚮郡守何公希範禮及曰弟子請益師曰目前無異草有人問如何是本來心師云舉起分明別有言句錄行于世爾後大師心恬默奏乞移菴敕允癸未領學志開雲門山五載功成四周雲合殿宇之簷楹翼翥房廊之高下鱗差邃壑幽泉挂暑月而寒生戶牖喬松修竹肩香風而韻襍宮商近於三十來秋不減半于之衆歲納他方之供日豐香積之厨有殊舍衛之城何異靈山之會院主師傳大德表奏院畢功敕賜光泰禪院額及朱記至戊戌歲高祖天皇大帝詔師入闕帝問如何是禪師曰聖人有問臣僧有對帝曰作麼生對師云請陛下鑒臣前語帝悅云知師孤戒朕早欽敬宣下授師左右街僧錄師默而不對復宣下左右曰此師修行已知蹊徑應不樂榮祿乃詔曰放師歸山可乎師欣然山呼萬歲翌日賜內帑香藥施利鹽貨等廻山并加號曰匡真厥後每年頻降頒宣繁不盡記恭惟我當今大聖文武玄德大明

至道大廣孝皇帝歲在單閼運聖謨而手平內難奮
神武而力口中興恩極八紘道弘三教乃詔師入內
經月供養賜六銖衣一襲香藥施利等而廻并御製
塔額預賜爲寶光之塔瑞雲之院師自從示衆卓爾
宗風凡在應機寶當奇特常一時見衆集久乃云汝
若不會三十年莫道不見老僧時有三僧一時出來
禮足師云三人一狀有問禪者則云正好辨有問道
者則云透出一宗有問祖意者則云日裏看山有纔
跨門者則以杖打之有時云衆云直下無事早是埋
沒也迷緣不已豈是徒然畧舉大綱將禪往代師以

卷四十八

九

法無定相學無准常每修一忌齊用酬二嗣諱

此處字似

有師一坐道場三十餘載求法寶者雲來四表得心

印者葉散諸山則知覺路程開雙林果滿諸漏已盡

盡法皆空雖假臥漳未少妨於參問終云虛幻乃示

寂以韜光侍者奉湯師付盃子曰第一是吾着便第

二是汝着便記取遣修表祝別皇王乃自札遺誠曰

吾滅後汝等弗可效俗教着孝服哭泣喪車之禮則

違佛制有紊禪宗也付法于白雲山實性大師志庠

師會下已匡徒衆已酉歲四月十日子時師順世嗚

呼慈舟壞兮輪廻失渡法山摧兮飛走何依緇倫感

薤露之悲檀信動式微之詠宋雲遇處但携隻履以
無還慈氏來時應召三峰而再出月二十有五諸山
尊宿具威儀道俗千數送師於浮圖靈容如昔依師
訓塔于當山方丈內法齡七紀二僧臘六旬六于日
行雲歛態隴樹無春覩嶽孤猿啼助哀傳之苦穿林
幽鳥聲添惜別之愁弔客掩襟伫立以泣在會參學
小師守堅終始荷贊洞契無爲門人淨本大師常實
等三十六人知事皆明佛性雅得師宗也在京弟子
報恩寺內供奉七十餘人皆出自宮闈素精道行敕
賜與師爲弟子法經內僧錄大通大師教中大法師

卷四十八

十

道聰洞容人門尤精外學也嶽鏤冰藝缺映雪功疎

自愧裴然濫承厚辟編成實性紀彼銘云

師歸何處超然寂然愛河萬頃涉若晴川其一恩超四

果難降衆魔迷則衆劫悟則剎那其二是色非色眞空

則空如水涵象若燭隨風其三雖云有佛難窮千佛如

地有芽逢春自出其四菩提無種覺花無子妙果如成

有何生死其五是法非法恍惚難尋無內無外卽心傳

心其六劫名成灰兮邱陵潛燬大海爲田兮人倫斯改

紀師實性兮刻于貞珉龍化會開兮師蹤如在漢大

寶元年歲次戊午十二月二日建南漢金

石記

龔澄樞

澄樞南海人幼事南漢先主為內供奉官累遷內給事後主時遷至內太師

西鐵塔記

玉清宮使德陵使龍德宮使開府儀同三司行內侍監上柱國龔澄樞同女弟子鄧氏三十二娘以大寶六年歲次癸亥五月壬子十七日戊辰鑄造永充供養 入緣弟子內給事都監韶州梁延鄂

南漢金石記

鄭敬贊

敬贊南漢大寶中人給事即監樂昌縣

卷四十八

十一

樂昌黃連山銅鐘記

粵維大寶二年太歲己未七月甲辰十九日林禪院住持長老明徽大師賜紫沙門義初鐘一口重四百勛勸緣弟子給事郎守內府侍省內府都并監樂昌縣事賜紫金魚袋鄭敬贊以七月廿八日

下韶州府志缺

李托

托封州人事南漢先主為內府局令後主時累遷內太師入宋戮于汴京

東鐵塔記

大漢皇帝以大寶十年丁卯歲勅有司用烏金鑄造

千佛寶塔壹所七層并相輪蓮花座高二丈二尺保
龍躬有慶祈鳳麻無疆萬方咸使於清平八表永承
於交泰然後善資三有福被四恩以四月乾德節設
齋慶讚謹記

南漢金
石記

按全文九百八十七所收與此不同

歐陽炯

全唐文八百九十一有傳

蜀八卦殿壁畫奇異記

夫龍圖鳳紀初宣上古之文帝室皇居必蘊非常之
寶是以書美鍾張之翰畫稱顧陸之蹤代有其人朝

卷四十八

三

無乏事今上睿政斯齊化溢升平俗登仁壽天惟行
健動則總覽萬機道法自然靜則無遺一物將欲權
衡三代拱揖百王宸襟所適諒超化表嘗於大殿西
門創一小殿藻井之上輪排八卦故以爲號焉其御
座几案圖書之外非有異於常者固不關於聖慮其
年秋七月上命內供奉檢校少府少監黃筓謂曰爾
小筆精妙可圖畫四時花木蟲鳥錦雞鷺鷥牡丹躑
躑之類周于四壁庶將觀矚焉筓自秋及冬其工告
畢間者淮南獻鶴數隻尋令覩于殿之間上曰女畫
遍矣其精彩則又過之筓以下臣末技隆堦曲謝而

已至十二月三日上御斯殿有五坊節級羅師進呈
雄武軍先進者白鷹其鷹見壁上所畫野雉連連掣
臂不住再三誤認爲生類焉上嗟歎良久曰昔聞其
事今見其人遽令所進呈者引退無至搦損茲壁因
目筌爲當代奇筆仍令宣付翰林學士歐陽炯紀述
奇異微臣拜手因得敘其事焉伊昔大舜垂衣作繪
乃彰於象物宗周鑄鼎觀形可禦於神姦漢號雲臺
唐稱煙閣圖畫之要史策攸傳公私雖見於數家今
古皆言於六法六法之內惟形似氣運二者爲先有
氣運而無形似則質勝於文有形似而無氣運則華

卷四十八

三

而不實筌之所作可謂兼之不然者安得粉壁之中
奮霜毛而欲起綵豪之下混朱頂以相親而又觀彼
白鷹盼乎錦雉儼丹青而可測狀若偃叢掣條縱以
難停勢將掠地遂契重瞳之鑿假以好生俄回三面
之仁真疑害物舉斯二類兼彼群花四時之景堪觀
千載之名可尙稽諸往牒少有通神圖海獸以騰波
秦朝賈譽畫池龍而致雨唐室垂名至於誤點成蠅
徒成小巧不成似犬安可勝言况茲殿也迥架昭回
高臨爽塏瑤池水滿浮鏡裏之樓臺玉樹風輕鑲壺
中之日月聖上以動詠墳典親講政刑崇制禮作樂

之名極侍問安親之孝允文允武無怠無荒故士有一技一藝皆升陟褒賞如筮者焉激東海之波濤難方聖澤拱北辰之光耀永固皇基誠非末士之常談可紀至尊之所御臣職叨翰苑譽乏儒林因廣聖模聊同畫品恭承宣命實愧菲辭昔廣政十六歲歲次癸丑十二月記

益州名畫記

詹敦仁

全唐文九百有傳

初建安溪縣記

夫萬戶而置郡千戶而置邑古制也泉之爲郡古矣

卷四十八

古

小溪場西距漳汀東瀕溟海乃泉之一鎮守也地廣二百餘里三峯玉峙一水環迴黃龍內顧以驤騰朱鳳後翔而飛翥土之所宜者桑麻穀粟地之所產者麀麇禽魚民樂耕蠶治有銀鐵稅有竹木之征險有溪山之固兩營之兵額管二千餘人每歲之給經費六萬餘貫地實富饒是豈不足以置縣歟敦仁奉命以來視事之始旣嘉山川雄壯尤喜人物夥繁思築而縣之乃以狀請於郡太守未幾而報可之令下增割南安近地新揭清溪美名敬奉以還大懼弗稱矧新邑發岡自乾亥而來轉勢從辛兌而入向丙己以

奉離明之化流寅甲以伸震疊之威左環右接如抱如懷前拱後植若揖若拜析爲四鄉一十六里通計一邑幾三千餘戶梓列以圖卜契我龜當三農收斂餘暇適二營番戍休閒便近之戶役止三日而民不告勞築作之工計不踰年而兵不憚用崇門豎樓所以嚴其勢繩廊周宇所以處其吏屋不華而加壯寢僅足以爲安居民鱗次雍雍然以和官廨翼如濟濟而有辨由陸而至者必出其塗自水而運者會流於下坐肆列邸貿通有無荷畚執筐各安職業土沃而人稠風淳而俗樸真東南形勝之地實疆場衝要之區也初經營於顯德大火之首冬遂落成於明年小春之下斡苟完苟美不至侈矣曰庶曰富又何加焉其奈地華人質業儒者寡是豈教有未及者歟殆亦有待而化者歟豈知夫秦奢魏褊俗若未易以轉移伯清惠和聞者尙能以興起顧在上之人所以作之者何如耳敦仁不能遠引古之說以爲喻請以鄉邦之事而昌言之可乎爾閩之初人未知學自常公觀察以來有歐陽四門者出豈曰彼能而我否孰謂昔有而今無蓋未然者猶有所待而然未至者當有所勉而至齊變至魯魯變至道盛事鼎來以答山川之

靈雄名日起以續龍虎之號口教之令固不敢不勉而從令之教爾邑之人當交相勸勉以副令之願望猗歟休哉丙辰十月甲辰記

福建通志

一日之內遊平世

錢鏐字輔軒武肅王之弟也累授温明二州刺史文穆王時除兩浙行軍司馬尋改本州團練使封楚國公開運二年卒謚忠簡

小史康樂巖題記

鏐自庚辰載領郡於康樂巖重剏亭臺遍植花柳兼華蓋山畔建置菓園口口口口添奇章時甲申歲

卷四十八

六

清明日彭城輔軒記以示後來

兩浙金石志

章和甲申歲

沈仁衷
仁衷吳越國人事蹟待考

開我感應塔記

昔者瞿曇氏之化天竺也將宏妙法式振辨才既演暢于嶠山俄湧現于靈塔久居多寶契乎宿因純化之瑞斯可見矣洎無憂王之治閩洲也冥搜舍利遐構佛陀括囊于八國之中經營于一日之內被乎世界炯若星羅鬼國之憂斯可見矣由是教傳東國法仰西方伊塔廟之聿興遂支提而寢廣徵諸善者可

得言之晉義熙二年隱士許詢字元度拂衣俗態脫屣浮名捨第宅兩區建迦藍二所其一則營于鏡水號曰祇洹其一則立彼蕭山目之崇化迺于餘衍樹以浮圖唯乏相輪未全香刹旋于中夜忽邇飛未既道俗而式瞻且規矩而暗合未幾有番僧邂逅繞塔踟躕或問其來非無所以乃言國爲天竺寺實菩提遽失相輪遍搜印度遂杖錫跋履尋光現眞衆復詰之奚以爲證訴以七寶營構諒匪五金作爲驗之不誣信矣何爽元度載發宏願當冀來生果克爲王重建是塔浮世空嗟于閱水善根有若于移山逮夫梁

卷四十八

七

武受圖蕭氏命族至岳陽王警除會稽郡守將欲理棹訪于志公厯彼川塗訣之休咎乃曰今之分命蓋還舊居請詢曇彥上人在彼香巖精舍無何法眼早已經心遂約緇徒忙迎元度數日岳陽適至晝隼爰來夫彼彥師已伺門首乃謂曰許元度來何暮昔日浮圖今如故岳陽王應之曰弟子姓蕭名警豈許元度耶彥師既知宿命未通豈造次能踰于時延入虛室遽熟名香乃以定慧加之于是斯須恍若豁開疑罔鎮悟前生洞究因緣了在心目俄命同載適彼蕭山爰止舊廬遂禮遺像既現塔中舍利兼騰基上神

光仍于龕室之間採出斧鑿之類且悲且喜于載于
三尋率俸金別營雁塔不日而就異世合符稽彼感
通有如影響邇後年祀復遠世故推遷緬層構之冀
存顧基垆之空在累代而下一簣不留遐考厥由宜
乎有待矣越監軍節度使渤海公文武傑出忠孝間
生實惟霸王之心腹久居元舊之爵位中立無倚出
言有章多重寶綠水紅蓮得夷吾春風夏雨綵衣炳
煥棣萼芬芳虞潭養堂莫能比興陸凱侯族才足矜
誇而能屬意真筌靈矜道樹側聞往事載動信心遂
與蜀國夫人敦琴瑟之情表金石之固同發誠願須
彼勝緣務捨珍財再崇瑞相而乃磨龔文石陶埏博
瓦起自戊午年秋初訖于己未歲冬首聳成雙塔並
建五層其制超今其高邁古事符感徹妙盡雕鏤東
則璀璨瓊瑛樹岳陽之善本西則晶熒赫赫表元度
之良因其第一層則儼列天人師子石像其第二層
已上則湧起千佛面于四方衆寶莊嚴五綵繪素聳
鍊輪而萃漢懸金鐸以鳴風臺類須彌狀侔阿育晉
代之高蹤不泯梁朝之餘烈重光愚竊思之信可徵
矣若非公纘許詢前志應蕭管後身則何得契彼三
生成茲萬善夫如是亦何必志公復出曇彥重來舉

而論之固其宜矣樹德之盛積善攸歸雅述徽猷稱
乎琬琰仁衷才疎頌晉學婉游梁摘藻騰芳徒懷鳥
鳳激波飛譽曷比魚鵠誰謂飾揚罔遺荒隆退讓弗
克黽勉何多雖銳意于枳園必貽譏于畫虎其詞曰
粵靈塔之穹崇兮肇多寶之湧現矧阿育王之鬼功
兮示闔浮之神變禮一念之勤拳闕萬善之關鍵由
感應之不誣遂祖述之斯薦有許詢之曠達樂蕭山
之蔥蒨捐爽塏之華居聿莊嚴于秘殿營宰漢之俄
成慊相輪之未建忽中夜而飛來實衆目之咸見冀
後世之再逢俾真風之重扇造梁朝于帝族封蕭誓

卷四十八

九

手禹甸問所適于誌公通宿命于曇彥果宏誓于疇
昔襲洪固于周遍泊年代之屢遷念頽毀之誰援誕
明公于海嶽列羣辟于方面鼓琴瑟之克諧捨金玉
而靡倦樹雙標之聳拔表三生之勇健爍熠熠之金
容累層層之玉現振象教之罔細開龍華之方便輾
不退之法輪正無漏之高邁惟天上兮人間受豐報
之宏願

紹興府志

意于林園必領英于畫武其詞曰



